

# MASHIMA AKUTUVIKA



Mwata, Ngwafwelela; Mwata, Ngwafwelela,  
Vyuma vyosena vinashiwa; Mwata,  
Ngwafwelela.

<sup>2</sup> Echeni tutwalileho kwimana hakatando kakandende kaha tunongamenu mitwe yetu. Mwata Yesu, etu tulina kweseka mujila yetu yakuli kehesa, kulisolola kuli Ove, kuhichila mukwimba echi, ngana etu twafwelela. Kaha etu twalombo, Mwata, ngachize jino, ngana Ove utwalileho kutuhokwela Mbolo ya Kuyoya, kutuhana yetu chize etu chinatondewa, kufuma mu Lizu Lyove. Echi etu tunachihulu mu Lijina Iya Yesu. Amena.

<sup>3</sup> Enu twamenu. Yami ngwakunyuka, kachi etu natupwa, kachi Nangwamba lizu Iya vyosena jino “amena,” ngana nge mukutohwa chosena cha jikisu ja Kalunga mukutohwa jinokele hali vosena.

<sup>4</sup> Ngwatwamanga chimene chino nakwivwilila chikuma kukutangisa, kusuuluka namaunjoho, akuhandunuka handunuka kulisolola vavene. Kaha kwivwa vangeji, uze ndumbu walunga wamu Mbaputishiti hano uze ejile nakuli konekela hakushinganyeka kuhenga chachindende. Shikaho Ngwa—Ngwamusakwilila punduvene uze muthu, umwe uze nahase kupwa muthu vene, chipwe—chipwe wakuli lemesa chikupu, kachi nge nashinganyeka ikiye naseuka. Ikiye kalikonekelanga vene kuli yami ko, keshi kuli yami atelanga kuli konenekalako, kuli Kalunga. Shikaho Ngwa—Ngwasakwila chize, talenu. Kalunga akisule ndumbwetu walunga, nauze ndumbu walunga mukakwambulula mujimbu.

<sup>5</sup> Yami, uze Mbaputishiti, munejiva, Ngwapwile wa kupandama kuze ku liuka Iya Mbaputishiti. Ngwapwilenga ngumembala ya Liuka Iya Mishonali Mbaputishiti. Omwo Ngwejile mukachi kavathu, Ngunejiva omu muli nakwivwa. Ngwevwile mujila yoimwe, jino wakuzala navyuma vimwe ngana Ngwa—Kangwasakileko kutachikiza.

<sup>6</sup> Ngunanuka kuzata chami chatete kumona ka pendekosita, echi chapwile mu Dowagiak, Michigan...Ngukonekelenuko, Ngwapwile ha Dawagiak mumushipili wakuta ishi, kaha ngwapwile nakufuma ku Dawagiak, kushikumuka ku Indiana. Kaha shikaho Ngwamwene majina, a “Yesu” nahajimotoke hosena nahakala chuma, kaha Ngwevwilile kukutangisa chavo likumbi lize. Kaha likumbi Iyamuchivali vakiko vanguhulishile yami kwiza kukamenga, kuhanjikako mazu amandende, kaha Ngwalingilemo. Kaha Ngwa...Vakiko vanguhulile ku liuka muka Ngwapandama ko, kaha Ngwawalwezele vakiko Ngwami ngwapwile nguka Mbaputishiti.

7 Kaha uze ufuku vapwile na lunga wakashinakaji wa mulatu apwilenga nakuya nakunangula, kaha ikiye asolokele kupwa mumyaka yakuheta ku eyite, ikiye ejile kukamenga. Uze kashinakaji, vakiko vasakile vamutwaminyine na kumutwala kuze. Ikiye apwilenga, uze umwe wavaze avwalile koti yaumulimo, chaungoyi, chaungona chachindende muji sali. Kaha Ngwashingtonyekele, “Wosena ou lunga hano nakunangula chautu, lunga wachindume, omwo vakiko vechelele kutangisa kuli mutu wangana? Chamwaza, ou lunga wakashinakaji atelanga kupwa muchitwamo kumwe, natwame.”

8 Vakiko vapwilenga nakutangisa likumbi lize hali Yesu ovyo alingile hano hamavu. Kaha, oloze ikiye ambachile, ambachile mutwewachihande, Ngwafwelela wakufuma muli Yopa: 7, 20, ngwenyi, Ngwahono kutachikiza kanawa Chisoneka. Chipwetuhu ngocho, echi chikiko kuhanjika chenyi, chipwe chihanda chimwe echi, “Wapwile kulihi omwo Ngwalile chikuku cha kaye, omwo vatanganyika vachimene vembile hamwe, kaha vana va Kalunga vawahililile nakutambakana?” Kaha ikiye ahanjikile ovyo vvasolokele Mwilu, shimbu vapwile nakuhanjika hali ovyo vvasolokele hamavu.

9 Kaha kumwe, kaha mukatando ka minyutu itanu kufuma haze ahanjikile, ikiye, Shipilitu ya Mwata yamukwachile ikiye, kaha ikiye atumbukile hamavu vipundo vyenyi hamwe. Yami, muze mwapwile kapete kakanene, kuze kwapwile chimbwa chose kukamenga; kaha ikiye atumbukile nakuya, ngwenyi, “Enu kamweshi nakapete kakanene hano ngunahase yami kunangwilaho.”

10 Chamwaza, Ngwapwile namyaka yakusemuka twende jino. Ngwashingtonyekele, “Kachi—kachi chize chamulingishile ngana uze kashinakaji, yami nachihona ngachilihi?” Talenu?

11 Muchihela chakulama vyuma vyosena muchiyulo hali vandumbwetu vavalunga vavahya, chize yetu punduvene twavasambilila vakiko kwiza mu kulikata. Ngwatale, Ngwafwelela vakiko vavulukile kapilishitu kutwama muze, Ngwashingtonyekele; eyovene, kupwa ka Irish, vathu jami va Katolika. Kaha shikaho kuze kwapwile vakakulimbata vavavulu, Mbatutishiti na vamwe vakuhandunuka. Enu munahase kupwa chindende wakuvayangila chindende, hanyima tuhu aha. Ngwamwene naumwe wauchi wavaze vandumbwetu kuhanjika echi, oloze Ngwashingtonyekele Nangweseka kucholola. Omwo Ndumbu walunga Shakarian. . . Hanyima yakusoka uze wamwaza mukakutangisa hano vapwile vakuzala nakuwahilila, hakwijiva Kwiza cha Mwata chili hakamwihi mwih, ikiye—ikiye ahanjikile mu lilimi lyakuzeneka kutachikiza, kuli etu. Kaha tuli nava kakulumbununa vaze vahanyinenga kulumbununa. Chapwile, chize Chisoneka ngwacho, “Kachi wauchi mukakulumbununa, vechenu vakwate mukuunda.” Oloze kachi—kachi vakiko navahanjika mumalimi

kaha valumbunune echi, nachiza kupwa upolofweto. Shikaho kachimbalanganyi kakandende ka—kavosena vavali halwola lumwe. Jino, chize kachapwile chimbalanganyiko, talenu; mwomwo, umwe mwahana kulumbununa, uze mukwavo mwapolofweta. Talenu? Shikaho chize. . .

<sup>12</sup> Ngwashinganyekele Nangulweka va ndumbwetu vachivwishise, kachi nge kava chivwishisanga ko, mwomwo umwe wavo awuhanyine mwakwoloka. . . Mwatalile lwola lwaumwe naumwe? Kaha mukwavo azalile kaha, ivene, chize chapwile Shipilitu ya Kalunga yapwile nakupolofweta kuhichila muli umwe; kulumbununa, mukwavo apwile nakulumbununa. Shikaho mangana halumbunuke, chize enu. . . etu katweshi. . . Lwola lumwe, kuvishinganyeka vyachisemwa. . . Nge omu ndumbu walunga wamwaza nahanenga kulikonekela chimene chino. Echi chili nge kuvayangila kuli vathu vazeneka kwivwishisa. Oloze kuli vase vali mukachi, venyembo vajita eyi tulimo, ika, etu tvevwishisa chize, vyuma muka evi. Shikaho Ngwashinganyekele jino Nanguhanjika vyuma vimwe hali echi, kachi echi chose chakwoloka.

<sup>13</sup> Jino, Ngwa—Ngwatachikiza echi keshi chikiko chihela chakwamba evi. Oloze kupwa wosena vambululanga vyavindende evi, Ngwa. . . Munejiva, uze mukwetu ngwenyi, uze lunga wa kashinakaji wamulatu ngwenyi, “Enu kamweshi nakapete kakutamo yami ngwatela kutangishilamo.” Enu kamweshi na *lwola* lwakutamo yami kutangisa. [Chikungulwilo chazungumukile—Muka.] Tahi vapwe nge vana lezumuka.

<sup>14</sup> Lunga umwe ambile likumbi limwe ngwenyi, ngwenyi, “Umwe kambaji ejile, ikiye apwilenga pashita ha liuka mu myaka twende. Kaha ikiye lwola lwose atangishilenga minyutu seti hakala Sondo chimene ha liuka lyenyi.” Kaha ikiye ngwenyi, “Eyi Sondo nachimene, ikiye atangishile jiola jitatu.”

<sup>15</sup> Kaha shikaho lizavu lya kakuzata muliuka vamusanyikile, kaha ngwavo, “Pashita, etu tunakusakwilila chikuma.” Ngwenyi, “Etu lwola lwoyena twatachikiza ngana—ngana omu wemanyina ha Mbimbilinya na Lusesa lwacho.” Kaha ngwenyi jino, “Kaha lwola lwoyena ove weji kutwololanga etu shikaho mangana tupwenga vamwaza na vatoma kumeso a Kalunga. Kaha etu tunakusakwilila chikuma, kaha twafwelela ungamba ya Kalunga. Kaha punduvene twasakwililanga hali mujimbu wa chimene chino. Oloze,” ngwenyi, “kuli chuma chimwe kaha twakutonda kukuhula ove.” Ngwenyi, “Etu twatale lwola lwove, kupwa lizavu lya vaka kuzata muliuka.” Ngwenyi, “Ha Sondo ha sondu chimene ove wapwa vene minyutu seti, kaha lelo wapwanga jiola jitatu.” Ngwenyi, “Jino, anuka, etu tweji kusakwililanga kaze kosena. Echi chapwile chakwoloka.” Kulingisa uze muthu wakashinakaji kwivwa kanawa, munejiva.

<sup>16</sup> Ikiye ngwenyi, “Chamwaza, vandumbwami, Nangumilweka omu chili.” Ngwenyi, “Chimene hi chimene nge Nanguya ku . . . Kungusanyika kukamenga,” ngwenyi, “Ngwejikuhaka chimwe chize Chakuyoyesa Chiyoyelo mukanwa kami,” ikiye ngwenyi, “kaha Ngwapwile nakwamwa hali chikiko.” Kaha ngwenyi, “Omwo chize Chakuyoyesa Chiyoyelo chinazachiwam,” ngwenyi, “chikiko chambachilenga minyutu seti,” kaha ngwenyi, “jino Nangwecha kunangula.” Ikiye ngwenyi, “Enu munejiva, chimene chino, Ngwashingtonyekele Ngunahambakanyisa lwola. Ngwachifwijile, Ngwapwile na mbutau mukanwa kami.” [Chikungulwilo nachiseha—Muka.]

<sup>17</sup> Kangweshi kuya nakuhakaho kala chuma mu, shikaho etu twalilila etu katwambata jimbutau mujimboloso ko. Oloze etu twapwa . . . Ngwafwelela chize kachevwakanyine kalimbulwiji hano. Oloze jino Ngwa . . . Enu munejiva, na Kalunga atwama nachishinganyeka cha kwivwilila, enu munejiva.

<sup>18</sup> Shikaho etu tuli vakusakwilila hakupwa kuno na kupwa nalwola lwa kulikata, na—nalusesa vanatuhane lwa kupuzula Mbolo ya Kuyoya cheka nawa, mujila yamivene yakulikehesa yayindende. Ngwatachikiza, nge vakakulinagula, nge uze lunga ahanjikanga hano ufuku wazau kufuma ku England; yami, kujinda kupwa kunyima muthu ngachize, na kutanga chami cha mango seveni. Oloze Ngwatalilila ngachize Kalunga mwalumbununa kuli yenu mumuchima wami. Talenu? Kachi mazu ami kaweshi kanawako, kufwila chami, Ngwa—Ngwafwelela, aze.

<sup>19</sup> Jino echenu tutange Chisoneka. Vavavulu mwavula kukavangiza. Kaha Ngwakuya na kutanga chimene chino, hakalwola kakandende, kufuma mu Mukanda wa Yelemiya, uze kapolofweto, kapetulu 2, kaha Nanguya nakuputukila jino na vesi 1.

*Lizu lya YEHOVA lyejile kuli ami, ngwenyi,*

*Yako uwilike mumatwitwi a Yelusalema, ngwove, YEHOVA Nambe ngwenyi; Ngunakwanukila, likoji lyove lyahawana wove waupwevo, zangi yove yahaze wetavile kusomboka, omu wangukavangijilenga mupambo, kaha mulifuchi vazenekele kukuwa.*

*Isalele apwilenga ajilila YEHOVA, apwilenga mbuto yakulivanga kuvyenyi vyakwim: veshovo navakamulya nangukavapayisa . . . kaha lupi; nalukavawana, mukiko mwanambe YEHOVA.*

*Enuvaku zuvo ya Yakova, Enu visaka vyakuzuvo ya Isalele muovosena, Ivwililenu lizu lya YEHOVA:*

*YEHOVA Nambe ngwenyi, Vakakuluka jenu vawanyine kuhenga chika muli ami, numba Vangu sosoloke kwakusuku, vakavangizenga ufwefweleketete, nakulinga kuya mu ufwefweleketete?*

*Kaha kavalihwojweleko ngwavo, YEHOVA ali kulihi Ou atukandwishile mulifuchi lya Ejipitu, Ou atutwalilenga mupambo, mulifuchi lyamakundu namena, mulifuchi lyakuma chau, lyamuvwimbimbi wakufwa, mulifuchi mwazenekele kuhita vathu, mwazenekele...muthu kutwama?*

*Kaha Ngwamihetesele mulifuchi lya milemba, mangana mulyenga mihako yalyo nakuwaha chalyo; oloze omu mwengililemo, mwajilwile, lifuchi lyami, mwalingishile uswana wami kupwa waunyengwe.*

*Vapilishitu kavalihwojweleko ngwavo, YEHOVA ali Kulihi? Vaka kukwata kujishimbi kavangutachikijileko: vakakunyula vazombojokelenga jishimbi jami, vapolofweto muli Mbale, vakavangijilenga vyuma vinahono kuvawahisa vathu.*

*Shikaho...Nanguchikokojolanga nenu, Nangukakokojola, na vana va vana venu mukiko mwanambe YEHOVA.*

*Mwomwo...hali tungu lya kichime, kaha mumone; Kaha mu Kuketele, kaha mukanyingilile kanawa ngachize, kaha numba nge kwasoloka lyehi chuma nge echi.*

*Kuli lifuchi linatambasana lyehi tulunga twavo, ava vazeneka...kupwa tulunga numba? oloze watu jami vanatambasana upahu wavo nachuma china hono kuvawahisa.*

*Enu melu, lihomokelenu, hachechi, lingungumunenu nakivwa woma, ...fvenu chishima, mukiko manambe YEHOVA.*

*Mwomwo vathu jami vanalingi vyavipi vival; vananguseze ami ngukaselwoke wameya akuyoya, kaha vanalitotela mena, akiko mena akutuvika, akuhona kutwama na meya.*

<sup>20</sup> Echenu Mwata ahake kukisula Chenyi kukutanga cha Mazu Enyi. Kaha Ngunasake ku—kumbata mutwe wachihande uze, nge, Mashima Akutuvika.

<sup>21</sup> Omwo, mukutanga cha Chisoneka chimene chino; chili, Chisoneka chose vachihana chakuhwimina. Kaha etu natwiza Kuzuvo ya Mwata mangana vatwolole na kwivwishisa. Kaha lwola lumwe etu tweji kutala...koma kakandende mujila.

<sup>22</sup> Nge ou lunga waliswalale, hanyima tuhu, apwile nakuhanjika kuli yetu kaha ngwenyi vyuma vimwe vize, vize pamo mumafuchi akwavo vatwama na mitelembi yimwe, chipwe—chipwe vyuma vimwe hali chize chishinganyeka, kaha etu twatela kuwana vyuma vimwe vya kuhonesa chize mu—mu jijila ja muuswalale.

<sup>23</sup> Chamwaza, vize vyuma vimwe kuya nakwingila mu liuka, ku chikungulwilo kuze muthu ali nakunangwila, chipwe kachi ali mukakwambulula muwande. Omwo ikiye mwamona kufumbukila, chuma chimwe chize china kutonda kukatuka, kuya, chili muwinyike wacho chipwe kala chuma chose; chili hali uze lunga, kachi ali ngamba ya Kalunga, kuhonesa washi chize chuma muvishinganyeka vya vathu ngana nakuvafumisa kuli chize. Kaha etu katwazangile chize kusoloka, etu kwingila muvihela vyangachize.

<sup>24</sup> Jino, mulwola lwa Yelemiya hano, upolofweto wenyi, chapwilenga kafwe myaka sikisite kufuma ha kufwa cha—cha Isaya—Isaya. Kaha vapwile kafwe na myaka sikisite chakuzeneka kapolofweto wamunene. Kuze kwapwile Hambakuke na vamwe tupolofweto vavandende, oloze Isaya ikiye kapolofweto wamunene wamakumishilo. Kaha vathu vapwile na, mulwola kana, kavapwile kavapwile naumwe wakuvasanyika kulovoka. Vakiko vanafumuko. Oloze, vakiko vapwile vathu ja Kalunga, vafumine nakwingila mulifuchi jino lize—lize etu twavawanyine, nge Yelemiya ejile nakuvapolofweta vakiko. Kaha Yelemiya nayikiye nawa apwile...Ikiye apolofwetele shimbu kanda ufunge, kaha na ikiye nawa ayile mu ufunge na vakiko.

<sup>25</sup> Kaha jinonyi, eyovene, Ndanyeje ejile hanyima ya Yelemiya. Kaha Ndanyeje ngwenyi apwile nakwivwishisa, ha Chisoneka, cha myaka sevethi ize vakiko vatelele kupwa kuze.

<sup>26</sup> Eyovene, kuze kwapwile kapolofweto mukwavo mukachikavo, uze atondele kutunga toka, omu ayihakile hashingo yenyi, ngana nge nakapwa koma kakandene, nakapwa mumyaka yivali, chamwaza, Kalunga mwakaya nakuvakindulwisa cheka, oloze Yelemiya atachikijile chakuhandunuka kufuma kuli chize. Kaha etu twatachikiza ika yasolokele kuli uze kapolofweto apolofwetele mwakuhenga, ikiye afwile myaka wowumwe. Shikaho Kalunga kamwechele ikiye emane ko.

<sup>27</sup> Kaha jino etu natumona chiyoyelo chavathu mulikumbi lize. Jino Kangwazangile enu muhone kungwivwishisa yami, Ngwa—Yamiko, yami hiya. . .mu Ngwami yami hiya kuhanjika hano, vimwe Visoneka na tujisona.

<sup>28</sup> Ngwapwilenga nakupwa Kangwahashile kupwa na—na kusoneka Visoneka na vyuma vimwe. Oloze omu Ngwahichile twende faifi lwola lwamuchivali, chamwaza, Ngwa—Ngwahono kwanuka nge omu Ngwapwilenga naku, shikaho Nangusoneka Chisoneka na kwijiva, kufumisa haze, kuze Yami nanguya. Kaha jinonyi lwola lwaluvulu kulombelela vakakuviza, na vyangocho, na kulovoka nakuya, Kangwatwama nalwola luvene kulinangula nge omu Ngwatela kulinga.

<sup>29</sup> Jino, oloze ou kapolofweto wa likumbi lino, apwilenga Yelemiya, kaha ikiye apwile vyuma vimwe vwamuchiyulo cha Amosi na tupolofweto veka vaze vakatukile. Ikiye ahizumukile omwo amwene chiyoyelo cha lifuchi. Jino kwapwile vihela vimwe. . .

<sup>30</sup> Lwola lumwe omwo ove uli nakuhanjika ha lifuchi, echi munahase kushinganyeka chize nge echi chili nakusolola nge—nge lizavu limwe. Echi kacheshi chizeko. Echi chili kaha chifwanyisa cha lifuchi. Kaha etu natuwana, lelo, nge—nge chiyoyelo chakutalilaho lelo nge omu chapwilenga ha makumbi a Yelemiya, ngana lifuchi livene, hamwe, linayi mu, mukuvula chipwe kukehesa, makombelo; ngana, Yami ngwami, kufuma muli Kalunga. Kaha hakulinga ngachize, echi chinapu kuzeya cha kamenga. Mwomwo, kachi kamenga atwamanga mukusungama, na Lizu lya Kalunga, Kalunga kachi ali mu liuka lyosena nge omu Ikiye ali nakutambuka muliyetu hano. Oloze vanavatwaminyina kufuma kuze. Kaha chize chikiko chuma Ngwa—Ngwakutonda kuhanjikaho chimene chino. Kaha chuma chize chize chilivene chamuchano mukala chisemunwino.

<sup>31</sup> Ngwafwelela apwile Amosi, nge omu Ngwamitwalanga kuli ikiye hanyima chachindende, ngana ikiye ngwenyi ikiye apwile “keshi kapolofweto ko, chipwe mwana kapolofweto.” Oloze ngwenyi, chize, “Omwo ndumba mwakumbwoka, hiya mwahona kwivwa woma?”

<sup>32</sup> Kaha kachi umwe evwa lyehi ndumba ivene kukumbwoka mupambo, evi mweji kuvivwanga muvisete kuno vali nakwanganyinyina. Oloze nge umwe mwa kumbwoka muze mupambo, vyosena kwivwilila. Ngwasavalaho lyehi muchipapa, nakuvayomba vakiko. Kaha ikiye apwa mwangana wa visuma, kaha, omwo uze ndumba mwakumbwoka, navaze vikotokoto kwecha kuhanjika, vyosena ngocho. Vaze—vaze tungunge na vaze—navaze va myumbwe kutambakana, na vakwavo tunyama, chivumino chavasoko na vapombo, vaze vikotokoto, enu kamweshi kuhasa kwivwako kushinganyeka; oloze mutunda echenu ndumba akumbwoke, kaha chikotokoto wosena kwecha kutambakana. Talenu, vyosena vili nakwivwa woma wa ikiye. Jino, kwatwama vyuma vyavivulu yvakumujiha, oloze ikiye vamwijiva kupwa mwangana hakachi ka visuma.

<sup>33</sup> Ikiye ngwenyi, “Omwo ndumba mwakumbwoka, hiya mwahona kwivwa woma?” Ikiye ngwenyi, “Jinonyi Kalunga nahanjika, hiya mwahona shina kupolofweta?”

<sup>34</sup> Kaha chize, Ngwashinganyeke, chize chiyoyelo chechi kulinunga naukalu lelo cheka. Kalunga nahanjika. Talenu? Kaha etu tunamono kusoneka hambango, shikaho chili chachashi kupolofweta na kutala chize nge tuli kumakumishilo.

<sup>35</sup> Kaha etu tuli nakumona Kalunga, kufuma kusali ya vikungulwilo, kwose kufuma ku Katolika, kuhichila vose

mauka akulikanga, Buddhas na vakwavo, kufuma ku India, na kala kwosena. Ikiye alinakusanyika vathu Jenyi hamwe, kuvakungulwila hamwe. Kaha Yami—Yami nguli wakuwahilila ha chize, kumona kwiza cha eli likumbi. Jino etu . . . Echi—chili likumbi lyalinene, lusesa lumwe lwalunene.

<sup>36</sup> Chize, kachi Ngwapwanga na, kachi Ngwapwanga nakutachikiza shimbu kanda kaye, omwo etu twapwile myono chihanda cha Kalunga, muze etu twapwa, mwomwo twapwile na Ikiye shimbu kanda chihela chahamavu. Mwomwo, kuli kaha Kuyoya cha Haya myaka chimwe, kaha chize chinapu Kalunga. Kaha etu tunapu chihanda cha Ikiye. Etu katwapwile chikuma muze etu twatachikiza na—na vashinganyeka, na kupwa kuyoya; oloze etu twapwilenga muvishinganyeka Venyi omu twapwa, shimbu kanda chihela chahamavu. Mwomwo, etu twapwa chihanda cha Ikiye, nge mwanami ali chihanda chami, kaha Ngwapwa chihanda cha tata, na vyangocho. Etu twapwa vana vamaunga na mapwevo va Kalunga, kuhichila mukutachikiza Chenyi.

<sup>37</sup> Kaha kukinduluka kuze, kachi Ngwatachikijile ngana omu ngunejiva jino, na kutala mulwola lwosena, kaha Ikiye keshi nambe kuli yami, “Lwola muka naukatonda kuyoya?” Kachi ngwami lwola luno vene jino, haze vene—ha makumishilo a mujimbu wamakumishilo, na kwiza cha Wangana wa Kalunga omu navakauzamisana hamavu. Ngwashinganyeka echi chili lwola lwamwaza lwa visemunwino, chili chakwoloka jino.

<sup>38</sup> Etu tunawane hano ngana nge va Isalele vanava wane namulonga kuli kapolofweto, omwo Kalunga amutongwele ikiye na kumutuma ikiye kuze, vakiko namilonga yayinene ivali ya shili. Kaha etu twatondo kuhanjika hali vize vivali vakiko valingile. Kaha, kufuma haze, etu twatondo kufukila hali chize. Jino, vakiko vafumine kuli Kalunga, uze Kaselwoke wameya akuyoya, kaha vanalitotela vavene mashima. Vakiko vanalumuka kufuma kuvwuma vize vya Kalunga avahanyine, kaha vanalitotela vavene vyuma vimwe vize vanalilingila vavene. Kaha awa mashima, talisenu, apwile, akiko apwile akutuvika kaha nakuhita.

<sup>39</sup> Jino, lishima lya kutuvika kalyalama meya ko. Eji kuhitanga. Ngwakulilile ha fwamu, kaha Ngwatachikiza lishima lya mwaka omu lyapwa, kaha naukalu walyo.

<sup>40</sup> Kaha eli lishima lyakuhichisa chili—chili chifwanyisa chambwende, Ngwashinganyeka, ya likumbi lyalelo, chize omwo (mwetu) mwosena etu chize natweseka kulinga, kuneha muthu hamwe, kuneha vathu hamwe, kuneha mauka hamwe, echi chinezanga kakavulu mujila ya kweseka cha va kakutanga. Etu tuneseka kulingisa va Mesondisiti kupwa va Mbaputishiti, na kutambasana, kaha vikungulwilo vyakuhandunuka. Kaha chize kachapwilenga kwala cha Kalunga ko, kukuputuka.



<sup>41</sup> Kalunga atwama kaha nachihela chimwe chakuliwanyina. Ikiye ngwenyi muze mu Mukanda wa Kulovoka, chize, “Ngwasakula chihela nanguhaka Lijina Lyami, kaha chize chikiko chihela kaha Nanguliwanyinanga navathu jami.” Kaha Ikiye asakula chihela kuhakaho Lijina Lyenyi. Kaha haze Ikiye ahaka Lijina lyenyi, haze hakiko Ikiye eji kuliwanyinanga na Isalele. Ikiye akwechi chihela chize Ikiye eji kuliwanyinga na liuka Lyenyi lelo, kaha Ikiye asakula lize Lijina, kaha lize Lijina lyapwa Yesu Kulishitu. Kaha kuze kukiko Ikiye eji kuliwanyinga na mukakufwelela wamuchano, omwo ali muli Yesu Kulishitu. Muze mukiko Kalunga asakula kuhaka Lijina Lyenyi.

Enu ngwenu, “Lijina lya Kalunga?”

<sup>42</sup> Ikiye ngwenyi, “Ngwejile mu Lijina Lya Tata.” Shikaho muze mukiko Kalunga ahaka Lijina Lyenyi, mwapwile muli Kulishitu. Kaha muli Kulishitu mukiko etu tunahase kuliwana mwishi ya Manyinga, na kupwa nachuma chivene, kulikata chamuchano.

<sup>43</sup> Kalunga atangile kwala Chenyi ha kuputuka, muli tepa lya Milemba, kuze kwapwile chihela kuze Ikiye ahashile kuliwana na muthu, kaha chize kachapwile ha kwivwishisa cha kutanga ko; kachi chapwile ngocho, Eva kachi wakusungama na kwala cha Kalunga. Oloze etu tunejiva chize nge ikiye hakwitavila kutanga chakuhungumwisa cha Liyavolo, “Muchanovene, Kalunga keshi kuchitava ko,” oloze Kalunga ngwenyi Ikiye mwahasa! Kaha shikaho Ikiye asakwile chihela chakusokwela, kaha chapwile ha Manyinga, kaha keshi hakuhungumwisa cha kutanga ko.

<sup>44</sup> Shikaho etu tuli kaha nakuveta mupeho, oloze echi chili kaha uthu wa muthu chize—chize vathu naveseka ku—kulinga chize. Kachi etu twapwanga na lwola, etu kachi tunachihokojola muvhanda, oloze Kangwazangile ize mbutawu ko. Shikaho etu natweseka kulinga kuchilingisa kupwa chachashi, “mashima akuhichisa.” Kaha etu tunawane chize chili—chili eyovene chasolokele cheka, echi chili chifwanyisa cha chisemunwino chetu chize etu tuli nakuyoyela, kweseka chetu chosena.

<sup>45</sup> Kaha kakweshi kusaula ngolo josena jize kala ngamba ya Kalunga, chize chipwe thuhu majina Lijina lya Yesu Kulishitu. Ikiye atala kumuvumbika chipwe thuhu kuvuluka Lijina Lyenyi mukavumbi na mukalemesa. Kaha jijila jakwambulula jajinene jize jili nakuhita hamavu, na vyangocho, muma kumbi akukuminyina, Ngwashingtonyeka, chochimwe etu katweshi kuhasa kumbata vathu nakuvahaka mumuchima mumwe kuvangila etu natuvahaka mwishi ya Manyinga a Yesu Kulishitu. Chize chikiko kaha chihela chize nauhasa kupwa wakukingiwa.

<sup>46</sup> Muthu umwe angusanyikila yami hanyima chindende, wakufuma kumututuko, kaha ngwenyi, “Ndumbu walunga Branham, Ngweva ove wathutuka nakuya ku—ku Arizona, kaha watunga na—na chihela kuze chize chili chakukingiwa.”

Kaha nge omu munejiva omu Mujimbu wejile, kaha Mwata angulwezele yami ovyo navisoloka mu Alaska, na kushikumuka ku California omu nachipwa, kaha echi jino chinapu muli ize jila. Vakiko vambile ngwavo, “Jino kachi chize chinakunyikisa, na vyuma vyose, kuli kuchihela chakukingiwa?”

<sup>47</sup> Ngwambile ngwami, “Kuli kaha chihela chimwe chakukingiwa chize Ngwatachikiza. Vaze muli Kulishitu. Mwomwo vaze vali muli Kulishitu, navapwa . . .” Echi chikiko chimwe Ngwatachikiza.

<sup>48</sup> Jino Yelemiya apwile wakusanyika, naikiye, “kapolofweto wakulila.” Kaha mwomwo, Ngwafwelela, chize chalingishile uze kapolofweto kulila—kulila, chipwethuhu, apwile mwomwo ikiye kupwa kapolofweto (kaha Lizu lya Mwata lyeji kwizanga kuli vyangachize) kumona vathu kutambuka mwaya visemwa vyavo, kaha vashinganyekele nge vali vakwoloka, kaha kakweshi jila yakuvakindulwisa vakiko.

<sup>49</sup> Vakiko, vapwilenga nakuya muufunge, mwomwo tunejiva nge nawaha vize watumbile, chipwethuhu ove wapwa ngachilihi, omu uli. Kaha etu nge lifuchi tunahe, chipwe, twatumbile, chipwethuhu, kaha etu twatela kwaha. Yami nangukahanjika hamene, Mwata nge nachitavila, na chingoloshi, ha *Misongo* ya *Kusema*; kaha Ngwa—kaha Ngwakwate chize muze, chize etu katweshi kuhasa kuya chakuzeneka chuma. Etu twatela kwaha vize twatumbile.

<sup>50</sup> Kaha kachi Kalunga mwatwechela kumbata yetu nakuhingika cha Ukulishitu lelo, nakuhingika vathu muli vyuma evi vavuluka ngwavo Ukulishitu, nge Ndumbu walunga Moore ahanjikile hamwe ngwenyi, “Ikiye nakashiwa kusangula Satome na Ngomola vachiyoyelo chachipi, na kuli konekela hakuvocha vakiko.” Chize chakwoloka, mwomwo Kalunga ali wakwoloka. Kaha kuze kwazeneka chiyulo; chili—chili nakwiza kukujila Chenyi na Lizu Lyenyi lize Ikiye nalilingisa vathu kwaha vize vatumbile, kaha twatela kuchilinga chize.

<sup>51</sup> Jino talisenu vakiko vamusele Ikiye, uze Kaselwoke wa meya akuyoya, kaha vanatotela vavene mashima akutuvika.

<sup>52</sup> Jino kuze pamo muthu umwe hano uze mwahona kwivwshisa lishima lya kutuvika lika. Lishima lya kutuvika lyapwa takhi ya kutunga kuli vathu ize ina kweseka kumbata chihela cha mukovocho. Chili chuma chimwe chize muthu umwe nafulu. Kaha vangahi vatachikiza lishima lya kutuvika omu lyapwa? Chamwaza. Chose chakwoloka, vavavulu vathu va mulifuchi chimene chino. Shikaho vakiko . . . Ngunanuka lize lishima lya kutuvika lya mwaka hachihela, omwo lyasolokele, kaha Ngwapwile lwola lwosena kwivwa woma kunwa kufuma muze. Echi chapwile tu—tu takhi yakutungu kuli muthu. Kaha kalyeshi kundamina ko. Enu kamweshi kukundamina ha lishima lya kutuvika ko.

53 Jino kala chuma muthu kakavulu mwalinga kavyapwa vyamwaza ko. Oloze jino nge uze—uze Mwata ahakile lwola muli—muli—muli mwakujinguluka, kaha lifuchi kujinguluka; hamwaka hamwaka, kaha lwola lwosena nayilivatasana, hakumbi hakumbi, ola hi ola, na likumbi kulawuka, kaha kalya honako. Oloze jikoloko jamwaza etu tuli najo, najihona muminyutu mulwola mukakweji, nakukakasana chiku. Oloze, munamono, vyuma vyosna alinga Kalunga vyapwa vya kukupuka, kaha vyose alinga muthu vyakuhona kukupuka. Shikaho ika natwitavila chize mwalinga muthu, omwo ove naupwa wakukupuka?

54 Kakavulu ngunambenga chize hali etu vathu va Pendekosita. Talenu, etu tunejiva, kaha etu katweshi—etu katweshi katwafumine muchiyulo eyovene, cha Kalunga, etu katwafwelela; oloze etu nayetu tunejiva chize ngwetu hakachi ketu etu tukweshi vathu vaze veji kwesekanga kulondezeza vakwavo veka. Chize chili kaha utu. Vakiko veji kwesekanga kulinga chize. Vakiko vachilingile mu Mbimbiliya, “Umwe, ‘Yami wa Paulu,’ ‘Yami Silase,’” na vyangocho. Oloze vakiko—vakiko vesekele kulifwanyisa chize umwe muthu alingile chipwe alina kulinga.

55 Oloze mwomwoika ove nautambula kulifwanyisa chakwonga, ohonyi utangatanga unazale na vyuma vyamwenemwene, omwo “luze lushiko luli kuli yenu na kuli vana venu”? Mwomwo ika etu natutambula chuma chimwe chakuhandunuka? Mwomwo ika etu natumbata kunangula chavathu chipwe jinangwilo, ohonyi Mbimbiliya yapwa Lizu Iya Kalunga lyakuzeneka ujila? Mwomwo ika etu natweseka kuhakilako chipwe kufumisako, omwo Mwata Yesu ngwenyi mu Kusoloka 22:18, “Owo wose mwakambata Lizu limwe kufuma muli Eli, chipwe kuhakako lizu limwe kuli Eli, chihanda chenyi navakachifumisa mu Mukanda wa Kuyoya”?

56 Omwo Kalunga chatete ahakile chisemunwino chautu mu . . . hano hamavu, Ikiye avalwekele vakiko kuyoyela ha Lizu Lyenyi. Jino lize Lizu Iya Kalunga lili nge lilenge, ove uli nakuhita helu ya hetese na Eli; kaha lilenge lyapwa Iya mwaza kuvangila haze hahehela, kaha Kalunga atonda etu kulama Lizu Iyosena Eli. Jino ize yapwile Mbimbiliya yatete; kuhokola Lizu limwe, lyengishile chisemunwino chautu mukufwa cha milima.

57 Yesu ejile hakachi ka Mbimbiliya, kaha Ikiye ngwenyi, “Muthu keshi kayoyelo hambolo kahako, oloze ha Lizu Iyosena.” Keshi chihanda kaha cha Mazu ko, chipwe nitenainyi kufuma ku handulendi; oloze Lizu Iyose, nge muze vapwilenga va Eva na Adamu.

58 Kaha kusongo ya Mbimbiliya, Kusoloka 22:18, Ikiye ngwenyi, “Wose mwakafumisa Lizu kufumisa muli Echi, chipwe kuhaka lizu limwe kuli Echi!”

<sup>59</sup> Shikaho mwomwo ika etu natwingisamo Hano vishinganyeka vyamuthu umwe vyavyuma vimwe, ohonyi echi chinapu Vishinganyeka vya Ivene Kalunga? Etu twatondo kumbata vize Ikiye ambile. Kaha echi nachikiko nawa vachisonekele, “Echenu lizu lya muthu wosena lipwenga kwonga, kaha Lyami lipwenga lya Muchano.”

<sup>60</sup> Chize chikiko chapwile naukalu na kapolofweto. Muma kumbi a Yelemiya, ikiye apwile kapolofweto, ikiye apwile na Lizu lya Mwata. Kaha uze mukweze apwile nakweseka nakwingisamo vyuma vimwe muli Echi. Jino, echi kaveshi kuhasa kuchi kundamina. Kaha Yami ngulinakufwanyisa eji jitakhi jino kuli evi vilinga vize etu tuneseka kumbata, nakumbata chihela cha Lizu lya Kalunga livene.

<sup>61</sup> Mwomwo, kakweshi chuma chanahase kumbata chihela chacho Echi. Echi chili Kalunga. “Ha kuputuka kwapwile Lizu, kaha lize Lizu lyapwilenga na Kalunga, kaha Lizu lyapwilenga Kalunga. Kaha lize Lizu lyalitengelekele kupwa wachisemwa cha hamavu nakutwama muli yetu.” Kaha Hepeleu 13:8, ngwenyi, “Ikiye apwa chochimwe zau, lelo, nahaya myaka yosena.” Kaha etu natuchijima ngachili kufuma muli Chize? Echi chatela kupwa Muchano. Ikiye asala kupwa chochimwe. Ikiye apwa chochimwe mujishimbi jose.

<sup>62</sup> Chize chikiko mulonga enu mwatela kulivwisa Echi, enu va Mbaputishiti na va Mesondisiti, na Katolika na Pulishiteliyani, na vyangocho, livwisenu chize kusoloka chenyi. Kuze kumwe, muli enu, enu mwamwitavila Kalunga. Pamo lwola lumwe mu jila yakutanga, pamo enu munevu Ngolo ja Kalunga, kaha ove uli ngamba ya Kalunga; oloze nge nawiza vene kuli Kalunga, na kutachikiza chihela chove muli Ikiye, nge mwana walunga chipwe wa pwevo wa Kalunga, chize chikiko cheji kunehanga kutuva chachinene muli ove, chize Kalunga ajinyine kupwa nacho ove.

<sup>63</sup> Jino etu tualisenu muli Mukakujila Mako, ha kapetulu 16, Yesu kahanjikile ngwenyi, “Yenunga kukaye kwosena, na—na—nakunangula.” Ikiye ngwenyi, “Yenunga mukanangule mujimbu wamwaza.” Kunangula Mujimbu wamwaza, chili, kusolola ngolo ja Shipilitu Wajila! “Yenunga kukaye kwosena, na kusolola Ngolo ja Shipilitu Wajila.”

<sup>64</sup> Kuhanjika kuli ndumbu walunga, umwe wavaze va mbwembwa hali chize...kulihumanga chami mu India, mu Bombay kuze, kushikumuka na South Africa navihela vyakuhandunuka, kuze tu mishonali vanachinangula Echi kupwa lizu chipwe kupwa nge kwivwishisa chakutanga. Oloze likumbi limwe mukulihumangana, omwo Shipilitu Wajila asulukile, Ivene, na kulwila seti sauzande vazevavene vakulifwika lipai hakusanyika chakamenga kamwe, hachihela chochimwe haze vene vemaneyine. Mapwevo vemaneyine kuze,

vaze vapwile vauselesele ngeomu vapwile omu vejile mukaye, kaha hazevene mu munyutu volwele mavoko avo kumutambula Kulishitu . . .

<sup>65</sup> Kaha Shipilitu Wajila aholokelele hachihela haze kaha okele vathu vakuheta ku twende faifi sauzande halwola lumwe, vafumine muvitwamo vya kalikoki, muvikochi na mikombo. Uze nguvulu wa mbongi apwile nayami, likumbi likwavo, tala eji jimotoka jakuzala jinakuya mumukwakwa.

<sup>66</sup> Vakiko mapwevo kwimana kuze, uselesele, kuhona kutachikiza nge vali uselesele. Oloze muze vene Shipilitu Wajila avakwachile vakiko, vakiko vavungile mavoko avo kutambuka nakufuma kumeso amalunga javo.

<sup>67</sup> Kaha Ngwapwile nakujinukaho ngana omu chize etu mu America twalisanyika etuvavene kupwa lifuchi lya Vakulishitu, kaha Kumeso a Kalunga; kaha mumwaka etu, mapwevo jetu, veji kumbata nakufumisa chikuma. Kaha enu mwatela kupwa nakuhaka chikuma. Kaha mwatela kulihaka Kulishitu chikuma, omu naupwa nachevu chikuma hali chiyoyelo chove. Lwola lumwe Ngweji kumonanga omu vathu vali nakulinga mujijila, Ngwalikomokela kachi echi chili chakwoloka vene muwongo. Chasoloka nge vakiko kavatachikizako chize omwo vakiko vejikulinganga chize, ika vapwile nakulinga, vakiko valilingishile vavene kupwa ndulo ya ndemone, na kutuma myono kuhetese. Chize chakwoloka. Oloze kaye kali mukupola ngemuze kapwilenga mumakumbi a Yelemiya.

<sup>68</sup> Jino kukinduluka kulishima lya kutuvika. Jino, lishima lya kutuvika kalyeshi lyaku kundamina mwomwo kalyalizalisa liveneko. Kaha lyakundamina hajivula jamungalila numba lizale, jivula jamungalila chipwe kuhizumuka chamungalila, numba vapwenga nakuhizumuka chachindende *hano* nakuhizumuka chachindende *kuze*, chipwe ngocho, numba lizale. Shikaho kalyeshi lya kukundaminako. Eli kalyeshi kuhasa kuli zalisa liveneko. Eli lili lyakuhona, kuli livene. Eli kalyeshi kuhasa kuchilingako. Kaha likiko lyakundamina ha jivula, numba lizale.

<sup>69</sup> Jinonyi echenu tualisenu kuli eli—eli lyeji kutambwilanga vula yacho, kuli lyeji kutambwilanga meya, lize lishima lya kutuvika. Yize yeji kufumanga helu lya Milaka, visete, kuze kuli majilo osena akufuma mulukungu lwapekumukila kuze, vinakosekela muze mu vula, na kushikumukila mu lishima lya kutuvika, takhi yakutungu kuli muthu. Eli hinaliza nakupwa nge chimbushu. Kaha anakoso vyose vyahelu lya mulaka kuze tunyama vosena, na kunuka chamuweluka wamilaka, na vyangocho, kaha vya londomana heshi. Kaha peho yapekumuna luze—luze lukungu navikukakuka vya ha mulaka, jino jivula jamungalila omu najiza na kukosa, ize vula, haze vene.

<sup>70</sup> Kaha jinonyi meya vali nakuwambata mulingolengole lyakutunga kuli muthu na kapila kakutunga kuli muthu, kutwala ku takhi yakutunga kuli muthu. Kaha omu nawaheta kuze, ali amajilo, amajilo chikuma kuvanga uhakeko lunyungo kulukiko, ngechiku kaweshi kuhasa kuwanwako. Jino, talenu, alinakufuma hafulumba, mulingolengole lya kutunga kuli muthu, kapila kakutunga kuli muthu, kutwala mu takhi yakutunga kuli muthu. Kaha jinonyi na lunyungo lwakutunga kuli muthu helu lyacho, kumona kanawa nge vaze tuzengwe navimwe vya salangaho.

<sup>71</sup> Jino, jino talisenu, muli evi, makumbi amandende meya nawaunda kuze, muli vikungulwilo vya kutunga kuli vathu- . . . , chipwe, takhi. Lisesa mwane. Lisesa mwane. Chose chakwoloka. Hanyima echi—hanyima echi vanachi koso, ya vyuma vyosena vya kunangula chauthu na vyuma vina kosekelamo; kaha jino twejile nakuwana, omwo nawatwama kuze makumbi amandende, nalipwa chimbwetengele.

<sup>72</sup> Kaha wose atachikiza, mijimbu yahita lyehi ya liuka, omwo Kalunga atumine vyuma vimwe, mujimbu, kaha naufuma wautute kuli Kalunga, jinonyi hanyima ya chize—chize chiyoyelo chauze aputukile (chipwe mwosena omu vili, enu omu mwamusanyika ikiye kupwa kaputhu, chipwe mwosena enu munatondo kwamba hali echi), hanyima ya kufwa chenyi, vakiko navakatula chilinga chimwe na kutunga chikungulwilo. Kaha haze vene nava tunga chikungulwilo kufuma muli chize, echi hinachifwa hazevene. Echi kacheshi kukatuka chekako. Echi cheji kulinganga lika lwola lwose, kunyima, kunyima vene.

<sup>73</sup> Mukuhana kumeneka kuli kapilishitu wamu Katolika natwame muno; omwo Kalunga kukungulula liuka. . . chipwe, kuhona kukungulula, Kalunga kanda lyehi akungulule liuka. Ikiye katwama muli chize kusekasana. Ikiye atwama mukusemuka, keshi mukulikungulula. Shikaho, omwo Kalunga aputukile liuka ha Likumbi lya Pendekosita. Kaha jinonyi kumakumishilo ku Nicaea, Loma, vakiko hikuchikungulula echi, kaha kuze kukiko kwajimbalishile Ngolo jacho.

<sup>74</sup> Kahajinonyi etu kwiza nakushikumuka ku kukutungulula cha Luteleni, kaha echi chapwile chuma chachinene. Lize Lizu lya Kalunga vali hanyine, “Vaze vakakwoloka nava kayoyela halufwelelo.” Kaha omwo vakiko vachilingile, kachi mangana vakatuke nakuya helu, hamwe vosena, vakiko vosena na kutambuka nakuya kulutwe, vakiko vatungile liuka lya Luteleni, kuli handununa kuli zavu eli, kaha lyafwile.

<sup>75</sup> Kahajinonyi Kalunga akatwile Yowano Wesley, na kujilikiwa, mujimbu wamulimo wamuchivali ya likoji, kaha chapwile chuma chamwaza chikuma. Oloze kunyima ya Wesley na Asbury, vakiko valikungulwile, echi chafwile.

76 Kahajinonyi kukanduka kuze ka Pendekosita na kutungulula cha mawana. Vakiko vapwile nakulinga kanawa, ika yasolokele? Chalikungulwile echi kaha echi chafwile. Mwomumwe.

77 Jino mukachi kavwosena evi, Kalunga achili nakusanyika vanasaleho kuvafumisa muli vize visemunwino. Ikiye apwa punduvene. Kaha echi chili lwola lwetu lwakulovoka, muze mwakulikungulula hamwe. Kaha chize chikiko chize Ngwashinganyeka, vaze va Malunga Vakakusekasena va Mujimbu wa Kuzala vanazate mulimo waunene wakuwokola eji jimbango, kaha ngwamba ngachize, “Kakwechi chihandwa muli yetu. Echenu twizenga yetu twizenga hamwe na kulifukula Kalunga mwishi yalushimbi lumwe, keshi mwishi ya chikungulwilo.” Kachi echi chapwilenga kulikungulula, Nachihasa kufuma kukamenga haze jino. Kangweshi nachuma chakulinga nachechiko.

78 Ika echi chili, echi chatela kupwa mu kulikata, kaha keshi kulikata chimwe chakunangula chavathu, oloze kulikata muli Kulishitu, kuhichila mu ngolo jakusanguka Chenyi. Chize hichuma chize cheji kunehanga Kuyoya, echi cheji kunehanga kusemuka.

79 Kaha shimbu kanda kusemuka chizenga, etu twatachikiza nge kwatela kupwa kufwa chatete numba kusemuka. Kaha kusemuka chapwa nge liwayanga, Kangwa zakama muyachi wakusemuka. Kachi nge echi cha mulimba lya ngulu, chipwe—chipwetuhu omwo nachipwila echi, chili liwayanga. Kaha chochimwe nakusemuka Chachihya, chize chinahase kukulingisa kulinga vyuma vimwe mujila unazeneka kushinganyeka nge unahase kulinga. Oloze omwo unalizange kufwa kuli yove yavene, kaha jino ove unasemuka chachihya, utengeso yayihya muli Kulishitu Yesu, kaha jinonyi vyuma, kusokoloka kaha kuyoya nachipwa chachihya mumeso enu, mwomwo ove unatambula uze Muthu Yesu Kulishitu, kaha keshi kulinangula kahako chipwe vyuma vyavathu.

80 Chipwe, nakuvisoneka vya Kalunga, Echi vachihizumwishile na Shipilitu Wajila. Chipwetuhu kulinangula changachilihi ove ulinacho, echi chatwama kuze chakufwa. Ngunahase kupwa nalivoko lyato na tiliku; palanga nomu nalihita mujindondelo jimwe jinahase kuyiyoyesa, ngechiku ize tiliku kayeshi kukayoya. Kaha ove kaweshi kukahasa kupwa na ndingili yau ndotolo, Ph., LL., kala mwose unatondo kupwa; oloze kuvangila Shipilitu Wajila mweza hali chize na kuyoyesa echi kuli ove, omo muthu nahichimo ukawenyi na milimo ya Kalunga, kaha jinonyi tiliku kayeshi kulinga mwamwazako. Kuli kutanga chove chili mwaufwefweleketete.

81 Nge ou lunga wa Undele ngwenyi uze ufuku hano, Ngwalikomokelele hali chize. Chose kutanga apwile nacho

ikiye, nge Paulu, ikiye avulyamine vyose ikiye atachikijile, muchiyulo chakumuwana Kulishitu, kulinga vyuma vimwe vize ikiye ashinganyekele katelele kulinga.

<sup>82</sup> Oloze muze mukiko Kalunga eji kulinganga, Ikiye atukehesele muvilinga vyakutanga chetu. Keshi nge Nguli nakukafwa kuhona kutanga ko, oloze Ngulinakumilweza enu chihandwa. Kutanga kacheshi kuhasa kaneha Kuyoya ko. Echi nachitondewa Shipilitu ya Kalunga kuneha Kuyoya, kaha chize Kuyoya kachatela kulovoka mukuhizumuka chakutangako. Echi chatela kufuma mu Mbimbiliya, kuhizumuka cha Lizu, kaha lize Lizu likiko chochimwe zau, lelo, na hayamyaka yosena. Kaha omwo Eli nalihona lelo, na kuyoyesa, ove mutambula mihako yoyimwe ngeize yasolokele mu Vilinga 2. Mukikovene. Echi lwola lwose lwapwa, kaha lwola lwose nachikapwa, mwomwo ili Shipilitu ya Kalunga yeji kunehanga chize kuyoya chiliho.

<sup>83</sup> Echi nachitondewa kupwa kulinga vyuma vimwe. Chize ukiko mulonga enu malunga veji kuminangulanga lwola lwosena, “Nehenu vana venu hano.” Chamwaza, punduvene chize chakwoloka. Ngwapwile wakuwahilila kutala mwanami wapwevo, Laveka, kwiza nakutwama, minyutu yayindende hanyima aha. Enu vamwe mwamona lyehi yami kunyachila naliso hali pwevo, apwanga mwanami wapwevo, mangana ezenga atwame. Ngwakutonda atambule Shipilitu, kaha echi chikiko nejila hano muli echi kuliwana. Chize chikiko kufwila cha echi. Echi chinatondewa kuyoya chakujinguluka.

<sup>84</sup> Nge kashinakaji Ndotolo Bosworth apwilenga nakwamba ngwenyi, “Ove unahase kumbata liulu lya kasumbi nakulihaka mukahwa, nalitoteka kamwana kasumbi.” Mwomwoika? Mwomwo lili liulu kaha lili nakuyoya chinalijinguluka.

<sup>85</sup> Kangwazakamako kachiove uli Mesondisiti, Mbaputishiti, Pulishitelyani; muchiyoyelo chakwoloka chinakujinguluka, echi nachitota kamba mwana Kalunga. Echi chili kuyoya chinakujinguluka chikiko chinakulinga, chipwetuhu wapandama kuchikungulwilo muka.

<sup>86</sup> Ngwalaminenga vangombe. Ngwatalishile omu mukakulama omwo mwatwala mumusenge, kwakusuku na—kwakusuku na kwakulila kutwala kuyvana, nakuvahaka mumusenge. Ikiye mwemana kuze nakututala omu vali nakwingila muchikolo, hachipato chachindende. Ikiye kahakile mangana kumiyachi, mwomwo kwapwile miyachi yakuli sezaseza yayile na kuze. Oloze kwapwile chuma chimwe atalishilenga chikuma, katachikijilo ka manyinga. Kuvanga apwenga vene chikupu wakusemuka ku Herefod ngechiku keshi kuhasa kuya mumusenge ko, mwomwo chili va Lizavu lyava Hereford veji kulishilanga muze mumusenge. Kuvanga apwenga nakatachikijilo kamanyinga, kulama kusemunwina chakwoloka.



<sup>87</sup> Kaha Ngwashinganyeka ize ikiko jila naikapwa na Likumbi lya Kusopesa. Ikiye keshi kaya nakunguhula yami nge Nguli Mesondisiti, Mbaputishiti, Pendekositi, chipwe Pulishiteliyani, oloze ikiye mwaya naku tala katachikijilo ka Manyinga. “Omwo Nangukamona Manyinga Nanguka hita hali ove.” Chize chikiko chuma.

<sup>88</sup> Shikaho etu tunawane nge awa mashima, hanyima yakutwama chindende, akiko naapwa . . . akiko na eze kupwa chimbwetengele kaha akiko kaeshi kupwa amwazako. Kaha naeze kupwa jinonyi, nawakiko, naeze kupwa limbo lya vimbotwe na misulu na manoka na tuzengwe na tututhu vamisongo, na vyavivulu, mwomwo muli chiyoyelo chachimbwetengele vanashinjilamo. Chishinganyekenu echi, meya anafumu helu lya mulaka, chipwe helu lya zuvo inapandama kumulaka, chipwe kala kwosena kunahase kupwa majilo, muyachi muka watuzengwe na tututhu vamisongo, na vyuma vyosena, vize vinakosekela muli eli lishima?

<sup>89</sup> Jino, echi chinapu chakutalilaho chakukupuka cha kala muyachi vilinga vyakutunga kuli vathu. Ikiye apwa mukakuhona, kukuputuka. Uze ukiko mulonga ikiye alinakutondewa Mulwilo. Ikiye keshi kuhasa kuli lwila iveneko, ikiye keshi kuhasa kulinga chuma chimwe hachikiko. Ikiye ali wakujimbala, kukuputuka. Ikiye nasemukila mukaye, mukashili, ikiye kwiza mukaye nakuhanjika makuli. Ikiye mukamakuli, hakuputuka, shikaho mwalinga ika mukaye ikiye vyuma vyaivene? Ngachilihi muthu wakujila?

<sup>90</sup> Muze kamweshi muthu wakujila. Muze kamweshi liuka lya kujila. Echi chapwa Shipilitu Wajila! Keshi liuka lya kujila ko, vathu va kujila; chili Shipilitu Wajila hali vathu, chize chikiko. Amena. Keshi pili ya kujila kuze kwemanyine Petulu na vakwavo; ize pili kayapwile ya kujila ko. Oloze apwile Kalunga wa kujila, hapili, uze atungile kujila. Keshi muthu wa kujila ko; echi chili Shipilitu Wajila vazachishile muli uze muthu, chalingishile kupwa cha kujila. Keshi muthu ko; oloze Muthu wa Shipilitu Wajila! Echi keshi muthu ko; mwomwo, ikiye alikaha muthu, “kusemuka mu shili, kutungiwa mushili, kwiza mukaye kuhanjika makuli.”

<sup>91</sup> Kala vilinga vyakutunga kuli muthu nachimutulika ikiye mulichize. Ikiye mwafwika chuma kuli vakakutanga, meso a vakakutanga, muze vakiko vanashinganyeka, “Ngwapandama ku liuka, lijina lyami lili mu mukanda. Ngwalingi *echi*. Tata yami apwile *ngana*, na vyangocho.” Chize chinevwakana chose chakwoloka; chili, echi chili, nachuma chauchi chakuhanjika chize. Oloze chochimwe, sepa, Yesu ngwenyi, “Kuvanga muthu mwasemuka chachihya, ikiye keshi kuhasa kutala,” *talenu*, kuze, kacha lumbunukile nge ikiye namono nameso enyi, oloze, “*kwivwishisa* Wangana wa Melu.” Palanga ove unasemukilamo!

<sup>92</sup> Kaha nachipwa ngachilihi kuliou mukakwambulula wamu Mbaputishiti, kaha nachipwa ngachilihi kuli uze muthu emanyine kuze nakusekasana na kuseha hali Chize? Talenu, muze kamweshi chumako muli ikiye chize chanahase kutambula Echi; oloze Kalunga ahashile kuchilinga, talenu. Kalunga amuhanyine ikiye Shipilitu Wajila. Ikiye alisolwele nge echi kacheshi kulyonga, eli likiko Lizu. Ikiye eji kulivwanga kaha kufuma kuvishinganyeka vya shikola, kaha naveseka kumbata vyose vya—vya kukisula cha Kalunga na kuhaka halikumbi lya hichilyehi.

<sup>93</sup> Mukweze mukakunangula wamu Mbaputishiti, hano keshi kunyima chikuma ko, ou natwame hano vene chimene chino; kaha ikiye ejile kuli yami, kaha ikiye ngwenyi, “Ndumbu walunga Branham, kuli chuma chimwe ulinakulinga chize chakuhenga.”

Ngwambile ngwami, “Ngukafwe yami.”

<sup>94</sup> Kaha ikiye ngwenyi, “Ove uli, Ngwashingtonyeka ove uli wakushishika kaha umuthu wamwaza, oloze . . .”

Ngwambile ngwami, “Ngwasakwilila, mwane.”

Ikiye ngwenyi, “Oloze kuli chuma chimwe ove uli nakulinga chakuhenga.”

Ngwambile ngwami, “Ngwafwelela Mwata mwachiwana chumachimwe chakuhenga.”

<sup>95</sup> Kaha ikiye ngwenyi, “Chamwaza, kuli echi . . . Echi chikiko chize ove ulinakulinga chize chakuhenga.” Ngwenyi, “Ove ulinakweseka kujimbula kukaye mulimo wa chipositolo, kaha,” ngwenyi, “mulimo wa chipositolo wakumine nava positolo.”

<sup>96</sup> Ngwambile ngwami, “Nge ka Mbaputishiti kuli ka Mbaputishiti, Ngwakutonda kukuhula ove chihula.”

Ngwenyi, “Ika?”

<sup>97</sup> Ngwambile ngwami, “Ove wafwelela Lizu lya Kalunga nge lyakuhwimina, kose Kacho?”

Ikiye ngwenyi, “Ika, punduvene.”

<sup>98</sup> Ngwambile ngwami, “Kahajino, Ikiye ngwenyi, ‘Kanda kuhakilako lizu limwe, chipwe kumbatako Limwe.’ Mwomwo,” Ngwambile ngwami kahajino, “Nangukwinyikila ove kuze kuli Kukisula cha chipositolo omu chejile hali vathu, kuhichila halushiko lwa Kalunga, jino ove wungwinyikile yami lushiko lwa Kalunga kaha nomu lwafumine hali vathu. Talenu, kachi ove nauhona kuchilovola chize mu Lizu, kahajino—kahajino chivulyame chize, talenu,” Ngwambile ngwami, “mwomwo Echi chichili nakuya lika.”

<sup>99</sup> Ikiye kahanjikile chumako mu minyutu yayindende. Kaha shikaho Ngwambile ngwami, “Chamwaza, kahajino, ndumbu walunga, Ngwakutonda kukuhula echi. Petulu ikiye ajimbwile

mujiambu wa chipositolo, ha Likumbi lya Pendekosita. Kaha etu tuvosenana twatachikiza chize kupwa muchano, mwomwo ikiye apwile na jisapi ja Wangana, chize Yesu amuhanyine ikiye. Kaha tala kanawa ika ikiye ahanjikile. Ikiye ngwenyi, 'Alumukenu, muthu himuthu, kaha vamiyimike mu Lijina lya Yesu Kulishitu chakuneha kumikonekela jishili, kaha enu namutambula wana wa Shipilitu Wajila. Mwomwo lushiko elu luli kuli enu, nakuli vana vena, na kuli vase vali kwakusuku, veshovo mwasanyika Yehova Kalunga ketu kwiza kuli ikiye.' Kahajino kachi kuli chihela kuze Ikiye achifumishilemo, kahajino chasolokele ngachili kumazu a Petulu ha Likumbi lya Pendekosita?" Talenu? Nduma, chize kachakumineko!

Wakuzanga Mukoko wakufwa, Manyinga Ove  
amwaza

Kayeshi kujimbalisa Ngolo jacho,  
Palanga nomu naukula Liuka lya Kalunga  
Kupwa lya kulwila, likahone kuvulumuna.

Kahajino mukulema, kuyema chamwaso,  
Nangwimba Ngolo Jove jakulwila,  
Omwo eli lilimi lyakuhutwa, nakukukuma  
Nalika savala kulu muchimbumbwe.

<sup>100</sup> Kalunga ngukafwe yami ngufwelele Chize na kukwachilila Echi, na etu vose, na kwimana na Echi, mwomwo Echi chinapu Mujimbu wa Muchano! Eyo, mwane.

<sup>101</sup> Lunga wakuzangama katela kutala havyuma evi. Kaha kutachikiza nge kacheshi kuzatako. Vakiko kanda lyehi chizachiwe. Kuli fukula chakulikungulula na ngolo jamukulikungulula kavyeshi kazata Kumeso Kalunga ko. Echi chatela kwiza, lyakuzeneka ujila, kufuma kuli Kalunga. Echi kanda lyehi vachizachise kuli Kalunga, mulwola lumwe kunyima kuze Kalunga kanda azachisenga vilinga vyamuyachi ngana. Jino ove, mamaah, ove naumbata mamembala na vyuma vyanga chize. Oloze Ngunakulumbununa mbuto ivene ya Kalunga, Kukisula cha holokele ha Likumbi lize lya Pendekosita, kalyejile na chikungulwilo ko; lyejile nakusemuka, kupwa wakusemuka cha chihya.

<sup>102</sup> Etu vanatutambika kumbata Isalele cha—chakutalilaho, vase vakiko vapwa. Talisenu, "Vakiko vanamuhungu Ikiye, Kaselwoke kavo, na kufulila vavene mashima." Munahase enu kushinganyeka nge—nge—nge—chuma, omwo muthu mwapwa halishima lya kaselwoke, nakunwana, kaha jinonyi mwatonda kumwalumuna kupwa lishima, talenu, mangana anwenga mulikiko? Jino chize chikiko kapolofweto nahanjika, chize chikiko chinahanjika Lizu lya Kalunga. Chize chikiko Kalunga nahanjika kuli kapolofweto. "Enu munanguhungu Yami na—nakunguseza Yami, uze Kaselwoke wameya akuyoya; kaha muna lifulila enuvavene mashima, akutuvika, kaha alina kuhichisa."

103 Talenu, vyuma vimwe, vakiko vatondele vyuma vimwe vanahase kutwaminyina, chipwe kusolola ika vakiko vanalingi. Chize uze—chize chikiko uleya wa kulifukula cha vikungulwilo. Echi chili lwola lwose kweseka, vakiko vatela kupwa na vyumavimwe mulivakiko. Vakiko vatela kupwa navilinga vimwe na jingalila, na vimwe, “Kaha Ngwapandama kuli *echi* jino.” Ohonyi kachi vapwenga vana va Kalunga vakulikehesa, vakiko vatondele vyuma vimwe vize vanahase kuli solola vavene. Ohonyi kachi vamweche Kalunga achilinge ikiye mujila Yenyi, vakiko vatondele vachilinge mujila yavo. Kaha ize ikiko jila vilinga vyamauka valinavyo lelo. Keshi. . . Chilinga hichilinga, umwe natondo *echi* muli eyi jila, umwe natondo *chize* muli eyi jila. Kachi ove uli Mesondisiti, watela kupwa nechi *echi* mujila eyi. Uze ka Mbaputishiti, *echi* eyi jila. Uze Pulishitelinyani, Katolika, kala vose, vakiko vakwechi vilinga vyavo. Chuma chachipi halichize chauchi, oloze chize kacheshi chikiko Yami ngulinakuhanjikaho ko.

104 Muthu atonda jila mwakulingila, kaha Kalunga akweshi jila Yenyi mwakulingila. Kaha Ikiye ngwenyi, “Enu mulinakukwachilila kujila yenu, lishima lya kutuvika; kaha kavate kwitavila jila Yami, ize jila ya Kuyoya.”

105 Kaha chize chuma chochimwe chiliko nalelo. Echi kacheshi nachihandwa chachindenko. Shinganyekenu omu muthu ahulama kuseza lishima lya kaselwoke wameya akuzeneka majilo atoma alinakuvweluka helu, kaha jinonyi mwatonda kuya ku lishima lya kutuvika lize atungile evene, na kulichokela lize lishima, navize vikukakuka vya helu lya mumulaka kuhingunukila muze, hinavanwanga mulikiko. Kuze kuli punduvene vyumavimwe vyakuhena muwongo muli uze muthu.

106 Kaha omwo muthu mwakakachila ku—kukuhungumwisa chamukakwambulula wachize Chisoneka, ohonyi kachi vatambule Shipilitu Wajila uze enjikijile Chisoneka na kumulingisa Echi kupwa chamwenemwene kuli ove, kuze kuli chuma chimwe chakuhenga mushipilitu na uze muthu. Chize chilivene chakwoloka. Eyo, uze Shipilitu Wajila! Umwe umwe ali kulumbununa cha Mbimbiliya, chize ulina kushinganyeka kupwa chakwoloka. Kalunga katonda kukafwa choveko. Kalunga katonda kulumbununa choveko.

107 Kalunga apwa Ikiye Mukakulumbununa Ivane. Kalunga ali najila ya kulumbununa Ikiye—muze jila Ikiye ambile Ikiye mwachilinga echi. Uze Mwata ngwenyi mukuputuka, “Echenu kupwenga kumunyika,” kaha kapwile kumunyika. Chize kachatonda kala kulumbununa. Chize chikiko Kalunga alingile. Ikiye ngwenyi “sanda mwakemita,” ikiye alingile. Chize kacheshi nakutonda kala kulumbununa. Ikiye ngwenyi Ikiye “mwahingununa Shipilitu Yenyi hali vose vakwechi nyama,” Ikiye alingile. Echi kacheshi nakutonda kala kulumbununa.

Kalunga eji kulumbununa Lizu Lyenyi Ivene hakulinjikiza Eli, na kulisolola Eli, na kulinjikiza Eli.

<sup>108</sup> Muze mukiko Kalunga eji kwinjikizanga kapolofweto. Ikiye ngwenyi, “Kachi kuze nakupwa umwe mukachikenu, uze ali mukashipilitu chipwe kapolofweto, Yami Mwata na Ngulisolola kuli ikiye mu vimweno, kuhanjika kuli ikiye kuhichila mu vilota. Kaha ovwo mwahanjika navize nakusoloka, kahajino mwivwenu woma; oloze nge kacheshi, kandakuchilinga echi.”

<sup>109</sup> Chize chikiko chuma chimwe omwo Kalunga ahanjikile Ikiye Lizu, kaha uze muthu ngwenyi, “Lize Lizu *lili*,” kaha echi chasolokele mulize jila, kahajino chili Kalunga kulinga echi.

<sup>110</sup> Oloze kachi ikiye ngwenyi, “Echi *chili* jila eyi, kaha makumbi ananyi,” ika echi chili nakutondeka vyosena. . . Ikiye eji kwolovelanga mbolo ya zala, mulivoko lyenyi, kuli vana, kaha chize vachifumishile kufuma kuze; kaha vakiko kufwa zala. Mwomwoika nautonda kunwa kufumisa mulishima ohonyi lize lishima lya kaselwoke kulili?

<sup>111</sup> Nyi kaselwoke wa Kuyoya chuma muka? Nyi kasoleloka wa Kuyoya chuma muka, kaselwoke wa Meya akuyoya? Lize lishima lya kaselwoke, etu tunahase kuli fwanyisa Eli naka.

<sup>112</sup> Jino Ngwatondo enu mumone chihandwa mukachi ka lishima na kaselwoke wa meya akuyoya; lishima lya kaselwoke, kaha lishima lya mwaka lya kutuvika lya kuzala na tuzengwe, misulu, vizunda, tututhu vamisongo, navikwavo vyavivulu, talenu.

<sup>113</sup> Kaha hano hali lishima lya kaselwoke. Jino talenukanawa echi. Lili lyakulikafwa livene. Enu kamweshi kuneha vilinga vyavinene nakuneha jimbongo jajivulu muchikiko echi. Enu kamwatela kupwa nava membala vakwingilamo. Chikiko chakafwa va membala jenyi, va Kushipilitu ya Kuyoya mulivakiko, kuzata.

<sup>114</sup> Talisenu aze meya anakufuma muwakiko, athuta, atoma na amwaza. Kechi lishima, chimbwetengele chavyuma vimwe chize chavishinganyeka vyakuhandunuka vya fote, fifite, ngwavo, “*Echi* chakwoloka, kaha *chize* chakwoloka, kaha *echi* chakuhungumwisa,” kaha kusakula nakusanyika, kaha nge vakiko vejikulinganga, kaha hinavatunga chikungulwilo kufumisa muli echi. Echi chamwaza kaha chitoma, Lizu lyakuzeneka ujila lya Kalunga, kufuma kulivoko lya Kalunga. Lili lishima lya kaselwoke kavene.

<sup>115</sup> Talisenu, chiswamo changolo jacho chili muli chivene. Muthu keshi kujiwanako. Kuli kushijika chimwe, mukachi kachikiko, chize chilinakulingisa kushinjika helu.

<sup>116</sup> Ngulinakwanuka omwo Ngwa, nakulinga, omu ngwapwile mukakulama tunyama mulifuchi lya Indiana, Ngwapwilenga nakuya na, Mulifuchi lya Harrison, kaselwoke umwe,

wakuvweluka. Likiko lya pwilenga nakuvwelukanga helu. Kaha jinonyi, mamaah, kusoloka nge lya pwile lya kuwahilila chikuma. Chipwethuhu vula yachishika yapwile hamavu, meya amakaza, apwile akulikwata, numba kunatutu ngachilihi, likiko hanga lyavweluka; kuze kuli chijiva cha mwaka chakutunga kulivathu na ji takhi, vili na vimbotwe na vyuma vyosena, vyapwile nakulikwachila hamwe, nge lilolwa.

<sup>117</sup> Kaha chize chili nakusoloka ngana nge khala chikungulwilo, kuhichila mukuhona kupwa na Shipilitu yayindende chipwe kwalumuka chachindende chiyoyelo chamujinguluka, mwalikwata. Oloze lishima lya kaselwoke wa Kalunga, Ikiye ali—Ikiye youmwe zau, lelo, na hayamyaka, ali wakuvweluka nakufumisa kala vyuma haweluka wacho na kuvishijika helu. Kaha kuze kakweshi umwe kuze, kukuputuka. Kaha kala chuma nachingilamo, navachishijika na kuchifumisa mujila.

<sup>118</sup> Chize chuma chapwile nakuvweluka ngachize, kaha Ngwambile ngwami, kutwama haze likumbi limwe, Ngwashinganyekele, “Ngwafwelela Yami nanguhanjika kuli echi kuvweluka, tando yayindende.” Ngwafumishile litepa, kaha Ngwambile ngwami, “Unawahilila hachuma muka? Iyi kuvweluka chove chili hachuma muka? Pamo vavuli veji kunwanga muli ove, kamwe na kamwe.”

Kachi ikiye ahashile kuhanjika, ikiye ambile ngwenyi, “Nduma.”

Ngwambile ngwami, “Pamo mwomwo Ngwejikunwanga muli ove.”

“Nduma, chize keshi chikiko.”

<sup>119</sup> Ngwambile ngwami, “Chamwaza, ika yakulingisa kupwa utoma, wakuzeneka majilo? Kahaze ika—ikaze kuvweluka, chize chakukulingisa kuvweluka, wazala nakuwahilila lwolalwose, kaha kakweshi chimwe chinahase kukulingisa kulikwata? Ove ulinakufwijila namupeho, kaha kakweshi chekakashina; meya akuzeneka majilo.”

<sup>120</sup> Kachi chahanjikile kuli yami, ove unejiva lize lishima keshi lyambile? Ikiye keshi ngwenyi, “Ndumbu walunga Branham, yami ngulinakuvweluka, chili chuma chimwe munyima yami, chinakuvweluka yami.” Kaha ize ikiko jila ili naechi. . . Chize chikiko chijiva cha lizu, oloze munejiva omu Ngwatwale.

<sup>121</sup> Kaha ize ikiko jila ili nauze alinakuzata cha kusemuka chachihya. Ove kaweshi kupwa nachoko. Ili nge—nge lishima lya meya mukachi muli ove, kuvweluka swi na ku Kuyoya chahanyamyaka. Talenu, kuze kuli chuma chimwe hali echi, chize kaweshi nachuma chakulinga nacho. Ize mungomo yakutunga kuli muthu inahase kuli kwata, kaha nayilambilila kuhizumuka na vyosena; oloze muthu alimu Kaselwoke, kuyoyela muli kaze Kaselwoke, chapwa likumbi na ufuku! Nduma, ove kaweshi kuvandamina jivula jamungalila na

kuhizumuka jamungalila. Ove wazala Nayo. “Yami nanguhana ikiye kaselwoke wa Kuyoya, muli ikiye, kuvweluka helu.” Muze muli chuma chimwe muli Echi, chize chili chituta hakumbi hakumbi, litoma kaha lyakuzeneka majilo. Eli lize Lizu lyakuzeneka ujila lya Kalunga mumuchima na mukanwa, kulijikiza Livene, kulihanjikila Livene. Kalyazakama chipwe ili nakunokowa, chipwe ili vula yachishika, kala muyachi wangonde uliko, ove hanga wawahilila mwomwo Shipilitu Wajila kwali mwawwelukanga helu. Chili Ngolo jakusweka. Talisenu. Mamaah, chili chakusweka mukachi kalyo.

<sup>122</sup> Echi chejikulihana chivene, mwakukasunuka, kuli owo wose mwanwa na kuzachisa vyuma vwacho. Jino ove kaweshi kumbata, ngwove, “Chamwaza, jino Nanguya kaha ku liuka lya Mesondisiti mwomwo Yami ngu Mesondisiti, kukuhizumuka. Yami ngwatela kuya kuze *hano*, oloze (kachi) Ngwayanga ku Pendekosita mwomwo Yami ngu Pendekosita wakuhizumuka.” Kunakulweza yove, omwo yove wawanine a uze kaselwoke Wameya, uze Kaselwoke, omwo ulinakunwamo muze, muze kamweshi chihandwako, unahase kuhana kuliwose uze mweza. Ove uli wakulizanga kuhana lutalililo lwa Kuyoya kulimuka Katolika, kulimukakulikanga ku Pendekosita, kuli ka Yuleya, kuli uze akana kalunga, chipwe echi chili. Ove uli vene, ulivene na Chuma chimwemuli ove, chili nakulinga echi.

<sup>123</sup> Enu mutalise chuma chikwavo hali echi, ove kawatela kuwashinjika. Ove kawatela kuwakoka, na kuwashinjika helu. Ngwamona vyamuyachi vize palanga vyeji kungulingisa yami kuviza, kushinjika vyuma vimwe; kuhema mukuta wa myaso, kaha kutumbuka helu nahamavu, chipwe—chipwe mikanda yayinene kuze mumbaka, kaha navinjikizo vyavinene, “Uze muthu wa ola.”

<sup>124</sup> Kulikaha Muthu umwe wa ola, kaha uze Yesu Kulishitu, Ikiye ali youmwe zau, lelo, na haya mwaka. Kulikaha Muluwa umwe kufuma kuli Kalunga, kaha ngachize—ngachize Yesu Kulishitu. Eyo, mwane.

<sup>125</sup> Ove kawatela kushinjika Echi helu, chipwe kukoka Chize hamavu. Chipwe, pimbi, ove kawatela kulinuga muli Chize. Ove mbata kaha Chize, chakulisakwila. Amena. “Ngwapwa uze Kaselwoke wa Meya akuyoya; enu mwangusezele Yami, nakuya nakulitungila enuvavene mingomo.” Jino enu kamwatela kuwashijika Echi, kushinjika Echi, kukoka Echi, kaha kuchinunga Echi, kufula Echi, chuma cheka chauchi. Ove watela kaha kumbata Echi, mukukasunuka.

<sup>126</sup> Ove kaweshi kutonda vishinganyeka vyauthu nakutunga kalunungo kalilambu, chipwe, kukulweka mwakulingila muli Echi, ika Echi chinalingi. Naumwe pimbi. Vyuma vimwe vishinganyeka vyamuthu vya vilinga vya kutanga, eyi kulifukula kulivulukila kwoloka muli *chize*, muli *chize*, chipwe vilinga

vyakulifukula vya lishima lya kutuvika; kaweshi kuchitondako chize. Chize kacheshi nakutondewa kuze. Ove kuhakako lilambu Kuze, Lize navalimbila helu mupeho. Chize kacheshi namulimo nachoko. Likiko lyeji likulikafwa livene! Jize ji Ngolo ja Kalunga kuvwelwisa namu Kuyoya. Mwomwoika muthu mwaseza vyuma vyamunyachi nga Chize, nakulinunga vilinga, echi chinahambakana muze Ngunahase kuhanjika. Echi kachatondewele kala kalunungo ka lilambu. Chize kacheshi nakutondewako. Chize kacheshi nakutondewa kupwa-... kalyatonda kukundamina ha jivula jangalila kulizalisa. Lize lyapwa lya kuzala lwolalwose. Amena.

<sup>127</sup> Muthu, Ngweji kuvwevwanga vakiko ngwavo, “Yami nguli kaha muwina wamajilo lelo.” Mamaah, yami!

<sup>128</sup> Mamaah, Ngwawahilila kuyoyela Kumeso a Kalunga, chipwethu vyuma vinakwenda kanawa chipwe keshi kanawako. Ikiye Kuyoya chami. Amena. Ikiye Kuyoya chetu. Ikiye Kuyoya, Kuyoya chakulisala. Eyo, mwane. Kaha—kaha tala ika Echi chilinakulinga kuli yetu. Ngolo na kutoma chacho chili mukachi ka Chivene. Chize kachatonda kulikosa kufumisa mu lishima lya kutuvika chipwe kala vilinga vyeka.

<sup>129</sup> Umwe muthu ngwenyi, “Chamwaza, iyi kati yove ya kulinunga? Echa tutale kachi uli Mbaputishiti wamwaza. Nangumona kachi ove ulina kati.” Chipwe—chipwe, “...Pendekosita wamwaza...kachi ove uli Waninesi... Tunesi...Selinesi.” Chipwe—chipwe “...mwose omwo.” Talenu, Chize kalyatondeka kulikosa. Ili lwola lwose kuyakaha. Yaah.

<sup>130</sup> Enu munatachikiza, Ngwapwilenga neli lishima lya kutuvika lyamwaka, Ngwapwilenga nakwichilamo meya nakulikosa nakulikosa nakulikosa, na chize chakushinjikiza chamwaka, nakuvifumisamo; munejiva, kwichilamo meya akwavo mulize, kaha kwichilamo mikuta ya tuzengwe navyuma vikwavo mukachi, kushijikamo tuzengwe navyuma vikwavo. Vize vilikaha kupwa nge jila yimwe ya vilinga vyakuhizumuka.

<sup>131</sup> Oloze, kusakwilila Kalunga, “Kuze kuli Kaselwoke ka Manyinga, kuze vakashili kijiminyinanga mwishi ya livaji!” Enu kamwapwanga vamembala va liuka; enu pangenu Vakakulishitu kuvafumisa muli vakiko omu naveza ku Kaselwoke.

<sup>132</sup> Mwomwoika namuseza Kaselwoke wa meya a kuyoya, nakunwa mwakufwana muze muchimbushu?

<sup>133</sup> Kuwashinjika helu nduma; Ngolo jacho jili mukachi ka Ivene. Lize kalya tonda kulikosa ko, eyo, mwane, mwomwo (Chivene) Chize Kuyoya Chacho Chivene. Ize ikiko jila mbuto ya Kalunga mu muchima wamuthu. Chize Kuyoya cha Kalunga mukachi muthuukawenyi, keshi mu liuka. Muli ove, chili muli ove, ove umwe alina ize mbuto ya Kuyoya muli ove.



134 Kumakila kamwe kuli Echi kukunyukisa vose vakakunangula. Hulenu kapilishitu wa va Katolika, hulenu va Mbaputishiti, kala chuma echi. Kumakila kamwe kuli awa meya atuta amu mulishima, Nguli nakumilweza enu, chili chakukunyukisa ngana Echi Muchano. Mwono yenu yazala, mwoseomwo, chili kukunyukisa kuli mukalipwila, mwoseomwo. Jino kachi ove kaweshi nakwivwa pwila. . . Uze ka Mbaputishiti wamundende, ikiye kapwile nakwivwa pwila ko, kukuputuka; oloze omu evwile lipwila, aze meya evwakanyine mwamwaza. Echi chakwoloka, oloze watela kwivwa lipwila, “lipwila lya kukisula,” nge omu Yesu alisanyikile lize. “Va kisula enu omu muli nakwivwa zala na pwila ya kwoloka, mwomwo enu navakamikuchisa.” Amena. Yesu ikiye ahanjikile echi, sepa. Eyo, mwane, Ali Kaselwoke waku kisula kuli ali napwila.

135 Mwomwoika kala mwatonda kutambasana Na chinekeneke? Ika ove nautambasana kaselwoke na meya amu chinekeneke, akuzala natuzengwe nakuhya chakala kunangula chose chavathu, chize Kalunga ngwenyi ngana, “Kuhaka chimwe ku Lizu Lyenyi, chipwe kufumisa chimwe ku Lizu Lyenyi, chihanda chenyi navakachifumisa mu Mukanda wa Kuyoya?”

136 Kaha omwo Kalunga ashikile nge Ikiye mwakenjikiza eli Lizu kala muchisemunino, “Mwomwo lushiko luli kuli yenu na kuli vana venu, na kuli vase vali kwakusuku, vavavulu vose vase Mwata Kalunga mwakasanyika,” mwomwoika muhakamo chakushinjikisa muli chakulishinjika navilinga chize chapihya lyehi kufuma kumyaka, kufuma ku mana yamwaka? Pamo ize mana yapwilenga yakwoloka, chauchi chachipi hachikiko, mu makumbi a Martin Luther, mu makumbi *echi* na makumbi a *chize*, na vakwavo vaka kutungulula, chuma cheka chachipi chauchi; oloze ize yapwile mana yaholokele kunyima.

137 Kachi etu natutalisa mu Mbimbiliya, ngana nge vakiko vahashile kuchimbata hakumbi hakumbi. Vakiko vapwile nakumbata ayihya. Hanyima yakushimbula chindende, yapolele. Yikiko kayeshi kupola chakuzeneka kuhokoka. Yikiko yatelele kupwa na natu tutu muliikiko, chipwe vyuma vimwe ku—kuyilingisa kupola. Etu tunejiva chize mukiko.

138 Kaha chili vilinga! Hanyima echi chilimuze kufuma kukuhizumuka chachinene kuya kuikwavo, kaha ili nakupwa yakupihya na kuzala na tuzengwe, nge lishima lya kutuvika lyakuzala na tumbilumbilu, nge omu twapwile nakutusanyika, tuzengwe vamwaka kumbilumukanga muze.

139 Kaha uze ukiko ukalu uli navathu vavavulu valinakuhitamo lelo. Vakiko—vakiko vali kaha vakuzala na tumbilumbilu, kumbilumuka kufuma kuli umwe na umwe, naumwe namukwavo, kulweka muthu wakuzeneka Muchano numba hamwe. Chize chakwoloka, kumbilumuka kufuma muumwe namukwavo. “Ngwapwile nguka Mesondisiti; Ngwalinungile

na Mbatutishiti. Ngwapwile nguka Tolika; Ngwayile nakupwa *echi*. Ngwaile nakupwa *chize*.” Echi chili kaha tumbilumbilu.

<sup>140</sup> Mamaah, vulyama vyuma vyosena, kaha twaya ku Kaselwoke (Amena!), eli Lishima lyakaselwoke, lize lya yoya Kumeso a Kulishitu! Ngwafwelela Ikiye kupwa Kaselwoke wa Kuyoya wakuzeneka kuzeya. Kakavulu mumbatamo muli Ikiye, numba awahe chikuma, kaha hinawa tuta chikuma, kaha hinawapwa amwaza chikuma, hinawayema kuwamakila. Ngunamuzachilanga Ikiye jino myaka setiseli, kaha halikumbi hilikumbi kuyema chili nakukulilako kuhambakana likumbi lya kunyima. Kanda lyehi. . . Ikiye ngwenyi ove kaweshi kukevwa pwila kachi naunwa ku Meya awa. Talisenu omu kutohwa Echi chili. Mamaah!

<sup>141</sup> Isalele alingile nge vamwe vavavulu lelo vanalingi, vakiko vaselele kaselwoke wa meya a kuyoya, na kulifulila vavene mashima akutuvika.

<sup>142</sup> Jino kuhanjika ha likoji chindende kaha, likoji muka lya Kalunga. Etu tukwechi jishimbi natujishimbi, “Kaha nge kaweshi kupezelesa chipimo chakwimanyina echi. . . Ngukweshi chipimo chamutondo chakulifukula; kachi nge nauhona kupima chize, ove watela kupwa, ove kaweshi kwiza nakwingila,” kaha nangochoko. Oloze Kalunga natulwili ha likoji, keshi nachipimo chamutondo ko. Talenu? Oloze Kalunga, kuhanjika ha likoji jino, kahajino omu echi chasolokele, kunwa muli Ikiye, kufuma muli chipimo chamutondo. . .

<sup>143</sup> Kuyayavala, vayayavalile va Isalele. Talenukanawa, Ikiye ngweyi, “Kaha Nangukamitambukila cheka.” Talisenu mu Chisonoka. Talisenu, Ikiye mwaya nakuveseka vakiko, kuvatambukila cheka. Isalele Vayayavalile, haze ha Kalungalwiji Uchila, vavatambikile kumukavangiza Ikiye kuhita muvimbwetengele a meya amu Ejipitu, mangana vapwenga vathu vakukasunuka. Vakiko vapwilenga vandungo. Vakiko vavatambikile kupwa vathu vakukasunuka, na Ikiye. Lovokenu kuhichila mu Kalungalwiji wa Kufwa, uze Kalungalwiji wa Kufwa; Kalungalwiji Uchila, chipwethu ngocho, lovokamo kuhichila muli chize, kuya mupambo, kuneha chihandwa mukachi kavakiko na vakakulondezeza kweseka kulondezeza echi, chakuzeneka kwalama.

<sup>144</sup> Mamaah, chize chikiko chanehesele ukalu. Vosena vase vakiko vanongele muze vene mu-. . ., chipwe, chakwoloka—chakwoloka muuze kalungalwiji, Fwalo na vakajita jenyi. Vakiko vamwene vathuvakuyoya ha Ngolo ja undume wa kalunga, shikaho naveza nakujinguluka nakweseka kulondezeza chize, vakuzeneka kuvafutula muli chize kukisula. Kaha omu valingile, vakiko vanongele. Echi kupezelesa chamu chisemwa.

145 Muthu mweseka kulinga chize, kweseka kulondezeza chuma chimwe, kahajino alina kweseka kupezelesa chamu chisemwa Chamukakulishitu wamwenemwene.

146 Ndumbuwami walunga wa Indian nejiva chize. Afumaku Bombay kaha mwamono vathu vakuze, vase Hindus na vangocho, kusavala ha mingonga na ha...kutambuka hamangilase na—na kutambuka haka kahya, kusolola ika nge vanahase kulinga, na vyuma vyangana...Chize chinapu kulondezeza cha chisemwa chamuthu umwe muchipapa kuze, alinakulinga chize kuhana mulambu kuli likombelo.

147 Etu tunachiwane hachi chiyoyelo chava kakulifukula, kulondezeza cha chisemwa, umwe kweseka kupwa nge mukwavo. Kuli kaha chitalilo chimwe ove watela kupwa, uze kaha Yesu Kulishitu, Uze apwile Lizu. Kaha jino omwo lize Lizu lya Kalunga lyejile kuli ove, nalipwa mujila yoimwe.

148 Oloze Kalunga avatwaminyine vene limbo lya lushiko, mwosemwo. Vakiko vawanyine, navakiko, kala mungomo, omwo vapatukile kuhita mupambo muungeji wavo jino, hanyima yakuli handununa, vakiko vawanyine mungomo yosena japwile yakuma, kuli vakiko.

149 Kaha namuwana chuma chochimwe, ndumbu walunga, omwo nauputuka ou ungeji ku Limbo lya lushiko. Ove naukawana vikolo vyakusoka. Nge uze mukakunangula wamundende ngwenyi, wamu Angilikane, chipwe wakuli ikiye apwile, kaha, chuma chatete munejiva, liuka lyenyi lyamukanyine. Talenu, kachi nge kaha vavavulu vatambwile Shipilitu Wajila, chize chikiko makumishilo acho.

150 Kaha etu...nava Isalele twawane chuma chimwe, nge chakutalilaho, mu ungeji wavo ku limbo lya lushiko. Yize mingomo yapwile yakuma. Yaah, ungeji wavo mukwononoka ku lushiko lwa Lizu Lyenyi, ungeji wavo, muli yizeji mingomo, yapwile yakuma. Jino vawanyine uze Mungomo—mingomo kajapwile jakukundamina ho, muli uze ungeji.

151 Kaha nge uli nakuya muungeji kukwonoka cha Lizu lya Kalunga, na kweseka kununga *echi* na kununga *chize*, ove muya nakuwana kakweshi mungomo muli kano kaye kahase kukafwa Echi. Kakweshi chimweko. Ove uli umuthu ukawove. Kalunga mwakutwaminyina ove mujila oyo Ikiye nazange kukutwaminyina ove. Kahajino, etu tunawane chuma chochimwe nalelo, kaha mingomo jose yinomu.

152 Oloze lushiko, japwa jamuchano, kuli Kalunga Uze nahase kulama Ikiye jishiko kuli vathu Jenyi. Ikiye ashikile kutuhana vyose vinakutondewa, shikaho Ikiye alingile chize. Muze vene mukachi kaupolongwa, mingomo yakuma, shinganyekenu echi; kaha va Isalele akuyayavala, muze mupambo, mu ungeji wavo! Ikiye avasanyikile Wenyi ngamba twamina, uze kapolofweto Mose, kulovoka kusali, kaha asokolwele kaselwoke umwe wa

meya a kuyoya, kuli Lolwa lyakuveta, mangana vana Venyi vakufwelela vahone kunonga.

<sup>153</sup> Mu likumbi lino, lize linakuhanjika likoji, kuli yami. Etu katwatelako. Mujila kana etu tunalingi, mujila ize tuna yoyo, etu katwatelako.

<sup>154</sup> Oloze Kalunga, mu likumbi lino, nge omu chili chimene chino, tala, ku Mesondisiti, Mbaputishiti, Pulishiteliyan, Katolika, na vosena, Ikiye nasokolola Kaselwoke. Hepelewu<sup>13</sup> enjikiza echi, ngana Ikiye youmwe zau, lelo, na hayamyaka. Shikahaho chili—chili nakutungu muchano, Yowano 3:16, “Mwowmwo Kalunga azangile vaka mavu, ngachize Ikiye ahanyine Ikiye Mwaneyi umwe kaha lyamunwe, woseou mwamufwelela Ikiye akazeneke kunonga, oloze akapwe na Kuyoya chahayamyaka.”

<sup>155</sup> Kaha echi vachizundwile chamilimo evali, mwomwo vathu vapwile na kuyayavala na kuvulumuna, kaha vava sumine kumanoka kaha vapwile nakufwa; kaha mwomwo yakulikonekela shili javo, na kuhinduka cha misomgo yavo.

<sup>156</sup> Kaha uze Kaselwoke youmwe uze nasokoloka kuli etu lelo, mwomwo ulwilo wetu na kuka chetu, kuka chakumuimba. “Mwowmo Ikiye ali youmwe zau, lelo, naha yamyaka.”

<sup>157</sup> Kaha omwo lize Lilolwa lize vavetele ha lushikolwa Lizu lya Kalunga, lwa hanjikile, Eli lyapwile nakuhana nakulovola meya atoma akuzeneka majilo; keshi—keshi chimbwetengele, keshi akupihisako, oloze a Kumeso a Ivene Kalunga. Meya atoma, kaha alwilile vosena vaze vanuine. Jino etu tunejiva chize chize muchano, mwomwo twachitangile mu Tesitamende ya Mwaka, kupwa chifwayisa.

<sup>158</sup> Jino, enu kamwatela kukoka echi, kushinjika echi, kununga echi, kuya kuvinangwilo nakulinangula mwakuzachishila echi. Vakiko navakakulweza ove mwakuzachishila echi kuze, talenu, “Mamaah, chamwaza, ove, kachi ove una tambula Shipilitu Wajila, etu twafwelela chize, oloze shikaho ove—ove uchilinge echi muli *eyi* jila.”

<sup>159</sup> Oloze, munamono, kuze kakweshi kuchiyula echi. Ove kaweshi kuzachisa Shipilitu Wajila; Shipilitu Wajila mwakuzachisa ove, talenu. Talenu, ove kawatela, kawatela kuzachisa Shipilitu Wajila; Shipilitu Wajila akumbate ove. Wana keshi chuma chimwe ove mumbata, nge poko, na kusongolola sonekeso nacho. Chili kulyahila kuli ovelyavene kuli Kalunga, na kumbata na kulyahila ovelyavene kulifumisa mujila mangana Shipilitu Wajila ahase kukuzachisa ove.

<sup>160</sup> Talisenu, vakiko kavahashile kushijika echi chipwe kukoka echi, chipwe vakiko kavahashile kuhula, “Jino etu natuzachisa ngachilihi awa meya?” Mwomwo, vakiko vatachikijile mwakuzachishila echi. Vakiko vapwile napwila. Vakiko vatachikijile mwakulingila nacho echi.

<sup>161</sup> Kaha chochimwe na lunga na pwevo, ika, chipwe ngachilihi ika nangwilo yauthu chipwe chikungulwilo ikiye apandama ko. Kachi ikiye ali napwila ya Kalunga, ikiye katela kuchinyina kuze kuvinangwilo, nge ava va ndumbu vaku Angilikani valingile, chipwe va ndumbu vaku British, ufuku wahichi, watela kukunduluka na kuhula omu, ku liuka lya Angilikani, omu atela kuzachisa ou wana waunene ikiye akwechi, kuhanjika mumalimi, kaha omu ikiye mwalinga na *chize*. Vakiko navamutapula, kukuputuka. Talenu? Ikiye apwile napwila, shikaho Kalunga amuzalishile ikiye. Chize chikiko echi chatela kupwa. Chili pwila, kaha jinonyi Ikiye kuzalisa kaha.

<sup>162</sup> Ove kawatela kuchizachisa, imwe muthu akulweze ove mwakulingila nacho echi. Kalunga eji kutwaminyinaga muthu hi muthu muli ize—ize jila Ikiye ove kulinga. Ove uli—kaha ukawove, ovelyavene. Ove uli chihanda cha Kalunga. Namuthu umwe pimbi nahase kumbata chihela chove. Kaha kuze kakweshi jila imwe yakuya kuli muthu umwe, nakwamba jino, Yami nangupwa “kulinga *echi* nacho,” chipwe Ngwatela kulinga “kulinga *chize* nacho.” Nduma, mwane. Kalunga eji kuzachisa echi jila ize—ize Ikiye natondo. Omwo ove na wevwa pwila, uli na kunwa chakutamo.

<sup>163</sup> Kaha kachi ove uli napwila chimene chino, nwako kufuma muli Echi, chize chikiko kaha unahase kulinga. Kalunga atwama najila yenyi hali lize pwila, vana vanapwila vambata mwakukasunuka kuli Ivene. Kaha Kalunga atwama najila ya muthu na pwevo chimene chino, ou alinakwivwa zala na pwila. Pamo kuli vathu vanatwame hano, kanda lyechi vavalwile. Kuli vathu vanatwame hano vali mumukwakwa vakuvalwila.

<sup>164</sup> Kuli vathu hano, kutwama hano nge va membala va liuka, ove uli nakuchitonda kuchilinga hanovene, oloze uli nakunwa mu mungomo. Vakiko kaveshi kakulweka ove Muchano ou.

<sup>165</sup> Chuma chimwe kaha, kwiza, mbata lushiko lwa Kalunga na kwiza kuli uze Kaselwoke, kahajino Ikiye mwajima lipwila. “Wose uze mwanza kufuma muli ou Kaselwoke keshi kahona kevwa cheka pwila.”

<sup>166</sup> Talisenu jino omu—omu Ikiye akasununa Venyi—Venyi vaze vanatambula owa meya, ha likoji, kaha keshi ha vilinga vyavathu chipwe ha shikola ya lishima lya kutuvika. Ikiye eji kwinjikizanga ikiye Lizu, apwa sulo yakuhana Kuyoya. Vangahi muno vanejiva chize nge ove nautambula Kuyoya omwo mumbata lize Lizu na meya Enyi, kaha unejiva ngana ove unatambula Kuyoya? [Chikungulwilo ngwacho, “Amena.”—Muka.]

<sup>167</sup> Echenu tumbatenu, chamwaza, chakutalilaho, chikwavo chakutalilaho, chipwe vavali, kaha jino Yami kuya nakusoka chachindende. Ngwa—Ngwatela kupwa ize mbutau kumwe. Oloze talisenu. Nguli kaha nakuhanjika, oloze

Ngwatondo kutwalilaho kuhanjika echi. Tala, echenu tumbate chakutalilaho, watu vamwe jino.

<sup>168</sup> Echenu tumbate pwevo ha lishima lya kutuvika, lishima lya kufula. Kuze ikiye atwamine kuze. Chize chosena pwevo atachikijile, apwile natwame ha lishima lya kutuvika kwiza nakumbata meya. Kaha alikangile ku lishima lize ikiye awanyine, muze mwamundende nge mwakuhokoka kuze, Lunga natwame kuze, ka Yuleya. Kaha ikiye apwile ka Samaliya, mu mbongi ya sacha. Kaha etu tunawane chize ou Lunga, ou ka Yuleya, kuhanjika Lizu lya kuhona kutela kuli ou pwevo, ngwenyi, “Ngunehele Yami kunwa.”

<sup>169</sup> Ikiye ngweyi jino, “Etu tuli nachihandwa. Echi kacheshi—kacheshi chakwoloka kuli Ove kuhula yami ngachize; Ove kupwa ka Yuleya, kaha yami ka Samaliya.”

<sup>170</sup> Ikiye ngwenyi, “Oloze kachi ove unejiva Hiya ou nakuhanjika nenyi, ove kachi unanguhulu Yami kunwa, kaha kachi Ngunamihane enu meya aze naukahona ove kwiza kuli eli lishima lya kutuvika nakunwa; pwa lishima lya meya akuvweluka helu muli ove.” Talisenu omwo ikiye awanyine chize echi kupwa Muchano!

<sup>171</sup> Jino, chatete, kala muthu ngwenyi chize. Oloze ikiye ngwenyi, “Ove ngwove mweji kulifukulanga mu Yelusalema, kaha etu tweji kulifukula muli eyi pili.”

<sup>172</sup> Ikiye ngwemyi, “Ulwilo uli kuli va Yuleya. Etu tunejiva ika twafwelela. Oloze,” ngwenyi, “echenu Yami ngumilweze chuma chimwe,” mu mazu ngana echi, “chipwethuhu muli eyi pili, chipwe ha Yelusalema. Mwomwo lwola luli nakwiza omwo muthu mwalifukula Kalunga mu Shipilitu na mu Muchano, mwomwo Tata asaka muze.” Ikiye ngweyi, “Yako kakambate lunga lyove nakwiza hano.” Tala, hano echi vachinjikijile echi. Hano asolwele muyachi wa kaselwoke ikiye apwile. Ngwenyi, “Yako kambate lunga lyove na kwiza hano.”

Ikiye ngwenyi, “Kangweshi na lunga ko.”

<sup>173</sup> Ikiye ngwenyi, “Ove unahanjika muchano.” Talenu, chasolokele ngana echi chapwile hatoma chakulimbalaka kuchize Ikiye amuhulile ikiye, kaha ngwenyi, “Yako kambate lunga lyove.”

Ngwenyi, “Kangweshi na lunga ko.”

<sup>174</sup> Ngwenyi, “Ove unahanjika muchano.” Ngwenyi, “Mwomwo ove wapwilenga nava tanu, kaha nou umwe ulinakuyoya nenyi jino keshi woveko.”

<sup>175</sup> Tala uze pwevo, omu chinahandunuka na kapilishitu wa likumbi lize! Uze kapilishitu wa likumbi lize vamwe chuma chimwe kusoloka, kaha ngwenyi, “Chize chili ndemone, kutahisa, chipwe—chipwe nge Mbelezembule.” Talenu, vakiko vahonene kumona Lizu kushika chize.

<sup>176</sup> Oloze uze pwevo wamundende apwile wakutamo na Chisoneka kuhambakana kala tupilishitu. Ikiye ngwenyi, “Mwane, Ngunamono ngana Ove uka polofweto. Etu katwapwile naumwe ha myaka handulendi jiwana, kufuma ku Malaki. Oloze,” ngwenyi, “etu tunatalilila umwe, kaha tunejiva kuli Umwe alinakwiza, uze Meshiya. Kaha omwo Ikiye mweza, evi vikiko Ikiye mwalinga.”

Yesu ngwenyi, “Yami Vene.” Amena.

<sup>177</sup> Enu mwatalishile kanawa, ikiye asele mulondo ha lishima lya kutuvika lya Yakova, kulaha nakwingila mubongi; wakuzala na lishima lya kaselwoke! Ikiye achimwenesele kanawa chakwinjikiza, kaha Ikiye apwile Kaselwoke ka Kuyoya. Echenu ngumujimbule kuli yenu. Ikiye asele chize; omwo Ikiye vamwinjikijile kupwa Lizu lya Kuyoya. Ikiye achisele echi; kaha ikiye nawane nge lize Lilolwa lyolimwe, lize vavatele muze mupambo, valinjikijile kupwa liliko jinonyi.

<sup>178</sup> Echenu ngwambenga ngana, uze Kalunga apwile mumakumbi anahichi, uze tweji kuhanjikanga chikuma, Ikiye aliko lelo hano jino; keshi nakwivwushisa chakunangula chavatuko, oloze chinyingi chamuthu cha kwinjikiza Chenyi nge Ikiye mwaka hingununa mumakumbi akumakumishilo, uze Shipilitu Wajila ha liuka Lyenyi. Ikiye keshi muka “Ngwapwile.” Ikiye achili uze “NGWAPWA,” hanovene, lwolalwose.

<sup>179</sup> Kahajino lize lishima lya kutuvika lyajimbalishile kuyema chacho. Kaha chochimwe nakala muthu wose mwaholokela mu ngolo ja Kalunga, kuhichila mu lujimiko lwa Shipilitu Wajila, vize vilinga vyavikungulwilo vyeji kujimbalisanga kuyema chacho. Ove kaweshi kuzanga cheka chimbwetengele cha vizunda, na misulu, na tuzengwe, na vyangocho. Ove uli nakunwa kufuma mu Kaselwoke ututa na utoma, lize Lizu lya Kalunga, ututa ola yosena mumono wove. Chochimwe nahano, omwo Lizu vanalinjikiza kupwa lya Muchano, kumakila na kutala kachi chili cha kwoloka.

<sup>180</sup> Chipwetuhu lishima lya kutuvika lyazachile mulimo wacho mwamwaza, kuzata lwola lwacho kanawa; oloze mwamono, uze Kaselwoke wa Kuyoya kwapwile kuze, keshi lishima lya Yakova chekako, ha kunwa cha Shipilitu. Ika vashinganyekele, kachi vakiko vanwine muli lize lishima, ika, nachipwa chose chakwoloka; oloze jino Kaselwoke wa Kuyoya Ivene apwile natwame kuze.

<sup>181</sup> Jino etu katweshi nakutonda vilinga na vikungulwilo vize tuli navyo. Etu tuli kumakumishilo. Kaha Kalunga ashikile, muno mulwola lwamakumishilo, vyuma vize Ikiye mwalinga. Kaha etu twachimono kuzalishiwa, ku Lizu. Etu natwivwa muthu wa liswalale nahase, kwimana, na kuchikima, kaha ngwenyi, vakiko, “Vyumavimwe navitonda kusoloka.” Etu tuli nakwivwa Shipilitu Wajila kuhuhumuna etu nge chumachimwe

nachisoloka. Etu tunamono vyuma vyosena vili muchinyulo. Kahajino, seza vize vilinga na kwiza ku Kaselwoke. Eyo, mwane.

<sup>182</sup> Lyazachile mulimo wacho, oloze jino apwile meso na meso uze Kaselwoke Ivene.

<sup>183</sup> Mu Yowano 7:37-38, Yesu ngwenyi mumakumbi akumakumishilo achilika cha mbalaka (ika Ikiye ambile?), “Kachi muthu mweva lipwila, echenu ezenga kuli Yami, kaha anwenga.” Muze vene muli lizavu lyavakakunangula chavathu! “Kachi kala muthu vwevwa lipwila, echa ikiye ezenga kuli Yami, kaha anwenga. Mwomwo Visoneka vinambe ngwavo, mukachikenyi namukalovoka tulwiji va Meya akuyoya.”

<sup>184</sup> Kuli Kaselwoke wa kuyoya. Uze ikiye Kaselwoke vathu vana kane lelo. Mwomwo kunangula chauthu, vakiko vanakane Kaselwoke wa Meya kuyoya. Echenu yami ngumijimbwile Ikiye kuli enu. Ikiye, kuli yami. . . Kaha Yami mukusoka.

<sup>185</sup> Ikiye, kuli yami, uze Kaselwoke ikiye alwilile kuyoya cha Hegar, na mwana, omwo vapwile nakufwa muze mupambo.

<sup>186</sup> Ngwafwelela Ikiye uze Lilwola, mu Yisaya 32, Ikiye uze Lilwola lya mulifuchi lya kuzeya. Ikiye musingo mulwola lwa nya manganda.

<sup>187</sup> Zakaliya13, Ikiye Kaselwoke uze asokolokele Muzuvo ya Davichi, ha shili. Ngwafwelela Ikiye kupwa uze. Keshi ngochoko? [Chikungulwilo ngwacho, “Amena.”—Muka.]

<sup>188</sup> Mu Jisamu 36:9, Ikiye Kaselwoke ka Kuyoya ka Davichi. Ikiye Meya akuunda a Davichi, kaha mwila wamwaza. Ikiye Meya akumwana kalwiji, a Davichi.

<sup>189</sup> Mu Kuputuka 17, Ikiye livele lya kwamwisa lya Apalahama, El Shandayi. Oloze omwo chiyoyelo chamufumine muli ikiye, ikiye apwile. . . Kalunga ngwenyi.

<sup>190</sup> “Lunga wa myaka handulendi, kaha echi chuma nachipwe ngachilihi? Yami ngunakolo, puwami nakolo, kaha evi vyuma navipwa ngachilihi?”

<sup>191</sup> Ikiye ngwenyi, “Yami El Shandayi.” Jino, *El* kupwa “uze,” kaha—kaha *Shandayi* kupwa “livele,” kaha Shandayi mukuvula, kulumbunukila “Yami livele lya Kalunga.”

<sup>192</sup> Nge kemba alina kutunya kaha navinji, kaha ngolo jamufumu muli ikiye, nakundamina ha tulo ya naye nakunwa na kuhilwisa ngolo. Eyovene. Keshi kaha. . . Omwo mwanwa, keshi kutuya chekako. Ku livele lya naye, nasuuluka shimbu ali nakutambula ngolo.

<sup>193</sup> Kala muthu uze mwambata Kalunga halushiko mumuchima, luze, “Luze lushiko luli kuli yenu, na kuli vana venu, vase vali kwakusuku, vose vavavulu Mwata Kalunga ketu mwaka sanyika,” kaha kundamina haze na kunwa nakuhilwisa ngolo. Mwana wakutunya, fwelelenu echi! Echi chili cha vakufwelela.



194 Hanjikiso ya vakufwelela, Kangweshi kushinganyeka myaso yaivuluko jize mukausoneka myaso awanyinene. Kuli umwe wavo ngwenyi lwola lumwe, Ikiye . . .

Kuli Kaselwoke wakuzala na Manyinga,  
Wakufuma kumishisa ya Emanuwele,  
Kaha vakashili veji kujiminyina mwishi ya  
livaji lyacho,  
Hikujimbalisa mapenga ajishili javo josena.

Uze mwiji hakufwa awahililile kumona  
Uze Kaselwoke mu likumbi lyenyi;  
Kuze chipwe Ngwapwa, chipwethuhu nge  
ikiye,  
Kosa shili jami josena.

Kaha kufuma haze Ngwamwene nalufwelelo  
uze kalwiji  
Wove wakuhita ha jimbandu jovo,  
Zangi ya kusokola inapunga kufwila chami,  
Kaha nachikapwa palanga nomu Nangukafwa.

195 Kuli yami, Ikiye Meya a Lizu a Kuhandununa, aze echi kuhandununanga ove kufuma kuli vyosena vize vya kulimbalaka na Lizu Lyenyi. Uze Kaselwoke Ngwafwelela Ikiye kupwa. Eyo, mwane. Uze, Ali Meya aze eji kuhandununanga yami kufuma ku lishima lya kutuvika lya kutunga kuvathu, kutwala Kaselwoke wa Meya akuyoya. Mamaah, sepa, Ngwahase jino . . . Ove unahase kuya lika, na vyuma vize—vize Ikiye kuli yetu! Ikiye Alafwa, Omenga. Ikiye uze Kuputuka, Ikiye Kukumisa. Ikiye ali Ikiye uze apwile, mwakapwa, kaha mwakeza. Ikiye Mwiji na mwana Davichi. Ikiye Litota lya Chimene. Ikiye wami Mwosena na mwosena.

196 Kaha, ndumbu walunga, ndumbu wapwevo, kachi ove kawapwile na—na . . . Jinonyi ove unapunga na kunwa kufuma mu mungomo wakatunga kuvathu, chiyoyelo chove chosena, ika chimene chino nauhona kukana uze mungomo na kwiza kuli ou Kaselwoke?

197 Echenu tunongamenu mitwe yetu jino chindende. Na mitwe yenu ya kunongama . . . [Ndumbu wapwevo umwe kuputuka kuhanjika mulilimi lyeka. Ha tepu ha pimbi. Mukwavo kuhana ulumbunuiso—Muka.] . . . mukushinganyeka chami, kusanyika chakukamenga. Vangahi jino?

198 Ngwa—Ngwalizakamina, Ngwa—Ngwamishimbwisa  
chikuma, mwangulingisa kuvatula yami mujimbu wami  
muvihanda vihanda. Oloze Ngwafwelela uze Shipilitu Wajila  
natondo enu mumbate omu Ngunatwale. Tala, kakweshi chuma  
chimwe chachilemu mu likumbi chinahambakana kwoloka na  
Kalunga; talenu, kulya chetu cha chingoloshi, kalatuhu ocho,  
kalatuhu. Uze Mwata ali hano. Jino, Ngwachiwile kamwe  
kunahu muchinyoyelo chami, kufuma halwola luze.

199 Jino omu. . . vosena enu hano, keshi “vangahi.” Vosena enu hano muli nakutonda kunwa kufuma muli Chize, jino imanenu ha munyutu, tulombe kaha. Kalunga akukisule ove. Uze Mwata akukisule ove.

200 Jino vangahi hano, vaze—vaze vanemanahano jino, navamba ngwavo, kuhichila mukwimika livoko *ngana*, “Kalunga, tambuka hali yami, nguzalise yami, echa yami ngunwanga kufuma muli ou Kaselwoke. Kaha Ngwafwelela kangwalingile chuma cha kwolokaka, oloze Ngwa—Ngwakutonda Enu kungukonekela yami hali echi. Enu kukosa shili yami. Kaha echenu—echenu—echenu yami, kufuma likumbi lya lelo, jino. . .”? Jino tala! Yami!

Kuli Kaselwoke wakuzala na Manyinga,  
Wakufuma kumishisa ya Emanuwele,  
Kaha va kashili veji kujiminyina mwishi  
yalivaji lyacho,  
Hikujimbalisa mapenga ajishili javo josena.  
Hikujimbalisa mapenga ajishili javo josena,  
Hikujimbalisa mapenga ajishili javo josena;  
Kaha va kashili veji kujiminyina mwishi ya  
livaji lyacho,  
Hikujimbalisa mapenga ajishili javo josena.

201 Jino chize, enu muli Vakulishitu vakufwelela, enu munamatumbula Kulishitu Mulwilo wenu, oloze enu kamweshi kaha na. . . Jino kachi kaweshi, uze Kaselwoke. Uze Umwe kaha Ngwatachikiza kuvanga uze Kaselwoke kufuma mumishisa ya Imanuwele. Jino, kaha kachi vavavulu enu muli hano. . .

202 Echi jinonyi nge muze Ngwapwanga nakuhanjika ufuku ukwavo hali kwaze wamundende kutambuka mwahita mulimba na tusumbi. Kaha ikiye katachikijile chuma chimwe shina tusumbi kaha, oloze atachikijile kuli chuma chimwe na tusumbi. Kaha jino ikiye mama yenyi apwile nakumutonda ikiye, kaha atambakanyine kufuma helu. Echi chapwile kusanyika chakwaze. Talenu, ikiye atela kupwa Kwaze, kukuputuka, kachi katachikijile chize kusanyika. Talenu, Ikiye. . .

203 Kuli chuma chimwe kuze, mbuto ya Kwimichisa, chipwe kachi kayeshi kulovola Kuyoya. Kaha kachi ize Mbuto, lize Lizu lya Kalunga, lili muli ove, uze Shipilitu Wajila ali hano na kwimichisa chize na kuneha Echi hatoma kuli ove.

204 Vangahi muno hano kanda vatambule lujimiko lwa Shipilitu Wajila, katulenu mavoko enu? Vosena jinguluku, kwosena, kupwa wakushishika, kachi kawatambwile Shipilitu Wajila, kaha uli nakumutonda, katula livoko lyove. Kwose okwo uli, haka kaha lika helu, tando yayindende jino.

205 Jino Ngwakutonda, enu kwimana na kutala hali vakiko, Ngwakutonda muthu umwe ahake mavoko hali vakiko.

206 Ngwafwelela hano vene jino Shipilitu Wajila mwazalisa wose enu muli nakutonda Echi. Jino kanda kushinganyeka chize kulya chili muze muzuvo yakulila. Echenu tushinganyeke Kulya chili hano. Ou ikiye Umwe. Echi chikiko Kuyoya. Talenu, echi chikiko Kuyoya.

207 Jino alumukenu, kuli umwe namukwavo, kaha haka livoko haliumwe namukwavo. “Kaha vakiko vahakile mavoko havakiko!” Jino Ngwatonda enu kulombela uze muthu ulinenyi mulivoko . . .

208 Jino kanda kushinganyeka vya kulovoka. Kanda kushinganyeka chuma chekako. Jinonyi shinganyeka, hano jino, uze Shipilitu Wajila ali hano kuzalisa wosena. Sokolola muchima wove, mwanga vyosena vya meya a mulishima lya kutuvika, kaha ngwove, “Ove Kaselwoke wa Kuyoya, twaya muli yami. Nguzalise yami, Ove Mwata Kalunga, na kuwaha Chove na keke.”

209 Mwata Yesu, uze Kaselwoke wakuzeneka kuzeya! Ngwalombo, Kalunga, nge uzalise umwe vose ava. Echa Shipilitu Wajila aholokele hano. Ngwalombo, Kalunga, mangana etu tuvuwlyame vyose nakala chuma; mangana Shipilitu Wajila aholokele mukachiketu, hano vene, kaha atuhane etu Meya a Kuyoya, awana, kufuma kwosena. Tuhanenucho echi, Ove Kalunga. Shimbu kulomba na—kwimba chinakutwalilaho, vili hamwe, Mwata, kutachikiza chize chinapu kusoloka Chove, Kusoloka Chove cha Ukalunga, etu twatondo kwiza ku Kaselwoke. Etu twakutonda muchano, kujimika chivene na Shipilitu Wajila. Mwata, ava vathu valina kuchilomba Echi. Ngwalombo ngana, hatando nyinovene, ngana vakiko vapwenga vakuzalila na kuwaha cha Kalunga. Tuhanenucho echi, Ove Kalunga. Iwvilila kulomba cha vana Vove. Echenu Enu mwizenga hamwono yavo, echenu Ngolo ja Kalunga, na Shipilitu Wajila, ahite hali vakiko. Tuhanenucho echi, Kalunga.

210 Ove omwo etu tuli nakusakwilila Yove hakuhizumuna, ha na kusoloka cha undume wa Kalunga wa Mwilu, kwimana mukachiketu! Hano vene ha ola lwa musana, Mwata, tulise! Mwata, etu tuli nakutonda Kulya kufuma kumesa Yove. Tulise, Mwata, hano vene. Tulise na Shipilitu Wajila, mummyono yetu. Eyi myono ya zala yavikamba yili napwila. Nge muze Ove wambanga mukulumbununa cha mwaso, “Echi nachihingununa meya hamashina ya vikamba.” Echa echi chisoloke, Mwata. Echa Mazu Ove apwenga akusoloka mumichima ya vana Vove, “Meya haze hakuma, ha vikamba hamashina.” Kalunga waha Yamwaka, iwva kulomba cha ngamba Yove, na kutuhana etu chize Kukisula. Amena.

Mamaah, omwo Ngwamuzanga Ye- . . .

211 Twalilenu kumwalisa Ikiye jino. Tonda, Shipilitu Wajila alihano. Kachi ove kaweshi kuchitambula Echi, chili mulonga wove.

Omwo Ngwamuzanga Yesu,

“Mwanguzanga enu Yami kuhambakana evi?”

. . . Yesu mwamuzanga,

Mwomwo Ikiye avangilile kunguzanga yami.

Mamaah, omwo Ngwamuzanga . . . (Kwalisa chipwenga cha Kalunga!)

Mamaah, omwo Ngwamuzanga . . . (Kachi nge Ikiye ezanga luno lwola?)

Mamaah, omwo Ngwamuzanga Yesu,

Mwomwo Ikiye avangilile kunguzanga yami.

Kangweshi kamuhunga Ikiye,

Kangweshi kamuhunga Ikiye,

Kangweshi kamuhunga Ikiye,

Mwomwo Ikiye avangilile kunguzanga yami.

Wakukomwesa, wakukomwesa, Yesu kuli yami,

Uze Wakulweza pungu, Mwangana wa Kuunda, Ikiye Kalunga wa Undume;

Mamaah, kungulwila yami, kungulama yami kushili josena na sonyi,

Wakukomwesa muka kungusokola, vamwalise Ikiye . . .

212 Echenu tuwimbe ou kuli Ikiye jino!

Wakukomwesa, wakukomwesa, Yesu yami,

Mukakulweza pungu, Mwangana Wakuunda, Ikiye Kalunga wa Undume;

Mamaah, kulwila yami, kungulama yami kufuma kushili josena na sonyi,

Wakukomwesa Mukakusokola yami, valise Lijina Lyenyi!

213 Vosena vali nakuchivwa chize, vambe “amena.” [Chikungulwilo ngwacho, “Amena.”—Muka.] Mamaah, heheluya! Ngwakumona watu vamwe kwiza jino, na Shipilitu Wajila.

Ngwapwile wakujimbala, jino Vananguwane, kukasunuka kufuma mukupaisa,

Yesu nahane kukasunuka na kuzala cha ulwilo; Kungulwila yami, kungulama yami kushili josena na sonyi,

Wakukomwesa Mukakungusokola yami, kwalisa . . .

Echenu twandule mitwe yetu na chikupu na kwa- . . .

Mamaah, wakukomwesa, wakukomwesa, Yesu  
 kuli yami,  
 Ou Wakulweza pungu, uze Mwangana  
 Wakuunda, Ikiye Kalunga wa Undume;  
 Mamaah, kungulwila yami, kungulama yami  
 mushili josena na sonyi,  
 Wakomwesa Mukakungusokola yami, valise  
 Lijina lyenyi.

<sup>214</sup> Mwamuzanga Ikiye? [Chikungulwilo ngwacho, “Amena!”—Muka.] Mamaah, Wakukomwesa! Kwalisa kuli uze Kaselwoke wakuzala na Manyinga, kuze vakashili veji kujimbalisanga woma wa muthu, kupaisa chosen, vakukasunuka muli Ikiye. Haleluya! Mamaah, yami, chize chakukomwesa vene!

<sup>215</sup> Jino shimbu etu natwimba cheka, echenu echenu vosena va Mesondisiti, Mbaputishiti, Katolika, Pulishiteliyani, chuma muka echi, shimbu natwimba ou, “Wakukomwesa, Yesu kuli yami,” echenu mwalumuke na kuli meneka umwe namukwavo, pweni kaha nakulifutula cha mwaka chamwaza. Munejiva, Ngwa, chikiko Ngwasaka. Twayenu, echenu twimbenu nge omu tweji kulinganga.

Mamaah, Wakukomwesa, wakukomwesa, Yesu  
 kuli yami,


<sup>216</sup> [Ndumbu walunga Demos Shakarian kuhanjika Ndumbu walunga Branham, “Ndumbu walunga Branham, Ngwatambula lizu hali Twamina ya lifu Johnson, vanamulahisa kuchipatela namusongo wamuchima, kaha pamo etu twatela kumulombelela ikiye na lifuchi lyetu.” Vandumbu vachihanjike echi. Umwe ngwenyi, “Echenu munyutu chindende.”—Muka.]

Wakukomwesa, Yesu, (chize chakwoloka)  
 Mamaah, Wakulweza pungu, Mwangana wa  
 Kuunda,

<sup>217</sup> [Ndumbu walunga Shakarian kuhanjika cheka kuli Ndumbu wa lunga Branham, “Lusesa mwane, lusesa cheka yami, uli nakutonda ushikumuke mumunyutu tahi?” Ndumbu walunga Earl Prickett kutwaminyina chikungulwilo mummyaso, *Wakukomwesa*. Hatepu hapimbi. Chikungulwilo kwimba *Kwatwama Uze Kalwiji Wa Kuyoya*. Cheka hatepu hapimbi—Muka.]

Ize Mbimbiliya ngwayo, “Lombelenu vase vali muutwamina.”

<sup>218</sup> Ove Setu wa Mwilu, etu tunemana mukutondewa chalumbushi hali twamina ya lifuchi lyetu, Twamina yetu. Ikiye pamo katachikinjile echi, Mwata, oloze Ove unatachikiza echi. Ngwalombelela Ndumbu walunga Johnson, nge omu alivuluka kupwa mukakufwelela Ove. Kaha, Tata, musongo wamuchima, etu tunatachikiza, unamukwate ikiye. Ngwalombo, Kalunga, lama kuyoya chenyi. Etu tuli na—na ukalu walifuchi hano vene,

kalamwosena. Kaha echenu Shipilitu Yenu ize hali ikiye, Mwata. Kaha hano vene, muze muchipatela chipwe kwosena okwo ali, kaha echenu Shipilitu Yenu yisuluke kuze ku Chipatela cha Walter Reed na kukwata hamujimba wenyi, kulama kuyoya chenyi. Mwata, ou lunga alimukushindakana chachinene, kushindakana chachinene kuhambakana omu twevushisa. Shikangaho etu twalombo, Kalunga, nge vakakufwelela na kupwa chihanda chakulifuchi lino, etu twalombelako twamina yetu, ngana nge umuhane kusuwisako ku kuyoya, mu ola ino yainene, mu Lijina Iya Yesu Kulishitu. Amena. 

*MASHIMA AKUTUVIKA* LVE65-0123

(Broken Cisterns)

Ou Mujimbu kufuma kuli Ndumbu walunga William Marrion Branham, vawambulwile hakuputuka mu Ingilishi ha Satela na chimene, Chizeji 23, 1965, ku Full Gospel Business Men Fellowship International breakfast ku Ramada Inn mu Phoenix, Arizona U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Voice Of God Recordings.

LUVALE

©2020 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Copyright notice

All rights reserved. This book may be printed on a home printer for personal use or to be given out, free of charge, as a tool to spread the Gospel of Jesus Christ. This book cannot be sold, reproduced on a large scale, posted on a website, stored in a retrieval system, translated into other languages, or used for soliciting funds without the express written permission of Voice Of God Recordings®.

For more information or for other available material, please contact:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)